



寒山詩

附

豐干禪師錄
慈受深和尚擬

寒山詩

拾得錄
詩

士礼居重裝

錢遵王讀書敏求記
寒山拾得詩一卷
李滄葦書目
寒山子詩二卷

寒山詩拾得詩

明朝鮮(一五(四)一)刻本



寒山子詩集序

朝議大夫使持節常州諸軍州守刺史上柱國賜緋袋間丘胤撰

士礼威

詳夫寒山子者不知何許人也自古老見之皆謂貧人風狂之士隱居天台唐興縣西七十里號為寒巖每於茲地時還國清寺寺有拾得知食堂尋常收貯餘殘菜滓於竹筒內寒山子若來即負而去或長廊徐行叫喚快活獨言獨笑時僧遂捉罵打趁乃駐立拊掌呵呵大笑良久而去且狀如貧子形貌枯悴一言一話理合其意沈



而思之隱况道情九所啓言洞該玄默乃
樺皮爲冠布裘破弊木屐履地是故至人
遯迹同類化物或長廊唱詠唯言咄哉咄
哉三界輪迴或於村墅與牧牛子而歌笑
或逆或順自樂其性非苦者安可識之矣
胤頃受丹丘薄宦臨途之日乃縈頭痛遂
召日者醫治轉重乃遇一禪師名豐干言
從天台山國清寺來特此相訪乃命救疾
師乃舒容而笑曰身君四大病從幻生若
欲除之應須淨水乃持淨水上師師喫之

須臾祛殄乃謂胤曰台州海島嵐毒到日
必須保護胤乃問曰未審彼地當有何賢
堪爲師仰師曰見之不識識之不見若欲
見之不得取相乃可見之寒山文殊道迹
國清拾得普賢狀如貧子又似風狂或去
或來在國清寺庫院走使厨中着火言訖
辭去胤乃進途至任台州不忘其事到任
三日後親往寺院躬問禪宿果合師言乃
令勘唐興縣有寒山拾得是否時縣中稱
當縣界西七十里內有一巖巖中古老見

有貧士頻往國清寺止宿寺庫中有一行者名曰拾得胤乃特往禮拜到國清寺乃問寺衆此寺先有豐干禪師院在何處并拾得寒山子見在何處時僧道翹荅曰豐干禪師院在經藏後即今無人住得每有一虎時來此吼寒山拾得二人見在厨中僧引胤至豐干禪師院乃開房唯見虎跡乃問僧寶德道翹禪師在日有何行業僧曰豐干在日唯攻春米供養夜乃唱歌自樂遂至厨中竈前見二人向火大笑胤便

禮拜二人連聲喝胤自相把手呵呵大笑叫喚乃云豐干饒舌饒舌彌陀不識禮我何爲僧徒奔集遞相驚訝何故尊官禮二貧士時二人乃把手走出寺乃令逐之急走而去即歸寒巖胤乃重問僧曰此二人肯止此寺否乃令覓房喚歸寺安置胤乃歸郡遂製淨衣二對香藥等特送供養時二人更不返寺使乃就巖送上而見寒山子乃高聲喝曰賊賊退入巖穴乃云報汝諸人各各勢力入穴而去其穴自合莫可

追之其拾得迹沈無所乃令僧道翹尋其
往日行狀唯於竹木石壁書詩并村野人
家廳壁上所書文句三百餘首及拾得於
土地堂壁上書言偈並纂集成卷但胤稜
心佛理幸逢道人乃爲讚曰

菩薩遯迹示同貧士獨居寒山自樂其志
貌悴形枯布裘弊止出言成章諦實至理
凡人不可測謂風狂子時來天台入國清寺
徐步長廊呵呵拊指或走或立喃喃獨語
所食厨中殘飯菜滓吟偈悲哀僧俗吐擁

都不動搖時人自耻作用自在凡愚難值
即出一言頓祛塵累是故國清圖寫儀軌
來劫供養長爲弟子昔居寒山時來茲地
稽首文殊寒山之士南無普賢拾得定是
聊申讚歎願超生死

寒山詩

五言

九讀我詩者心中須護淨慳貪繼日廉諂
曲登時正驅遣除惡業歸依受真性今日
得佛身急急如律令
重巖我卜居鳥道絕人迹庭際何所有白
雲抱幽石在茲九幾年屢見春冬易寄語
鐘鼎家虛名定無益
可笑寒山道而無車馬蹤聯谿難記曲疊
嶂不知重泣露千般草吟風一樣松此時

迷徑麴形問影何從
吾家好隱淪君麴絕
囂塵踐草成三徑瞻
雲作四鄰助歌聲有
鳥問法語無人今日
娑婆樹幾年爲一春
琴書湏自隨祿位用
何爲投輦從賢婦巾
車有孝兒風吹暴麥
地水溢沃魚池常念
鷦鷯鳥安身在一枝
弟兄同五郡父子本
三州欲驗飛鳧集湏
旌白兔遊靈瓜夢裏
受神橘座中收鄉國
何迢遞同魚寄水流

一爲書劍客三遇聖
明君東守文不賞西
征武不勲學文兼學
武學武兼學文今日
既老矣餘生不足云
莊子說送終天地爲
棺擲吾歸此有時唯
湏一番箔死將餒青
蠅吊不勞白鶴餓著
首陽山生廉死亦樂
人問寒山道寒山路
不通夏天冰未釋日
出霧朦朧似我何由
屈與君心不同君心
若似我還得到其中
天生百尺樹翦作長
條木可惜棟梁材拋

之在幽谷年多心尚勁日久皮漸禿識者
取將來猶堪拄馬屋
驅馬度荒城荒城動客情高低舊雉堞大
小古墳塋自振孤蓬影長凝拱木聲所嗟
皆俗骨仙史更無名
鸚鵡宅西國虞羅捕得歸美人朝夕弄出
入在庭幃賜以金籠貯扁哉損羽衣不如
鴻與鵲颺颺入雲飛
玉堂掛珠簾中有嬋娟子其貌勝神形容
華若桃李東家春霧合西舍秋風起更過

三十年還成甘蔗泮
城中蛾眉女珠珮珂珊珊鸚鵡花前弄琵琶
月下彈長歌三月響短舞萬人看未必
長如此芙蓉不耐寒
父母續經多田園不羨他婦搖機軋軋兒
弄口過過拍手催花舞指頤聽鳥歌誰當
來嘆賀樵客累經過
家住綠巖下庭蕪更不艾新藤垂繚繞古
石豎巉岫山果獼猴摘池魚白鷺啣仙書
一兩卷樹下讀喃喃

四時無止息年去又年來萬物有代謝九
天無朽推東明又西暗花落復花開唯有
黃泉客冥冥去不回
歲去換愁年春來物色鮮山花笑綠水巖
樹舞青煙蜂蝶自云樂禽魚更可憐朋遊
情未已徹曉不能眠
手筆太縱橫身才極瓌瑋生爲有限身死
作無名鬼自古如此多君今爭柰何可來
白雲裏教爾紫芝歌
欲得安身處寒山可長保微風吹幽松近

聽聲愈好下有斑白人喃喃讀黃老十年
歸不得忘却來時道
俊傑馬上郎揮鞭指柳楊謂言無死日終
不作梯航四運花自好一朝成萎黃醍醐
與石蜜至死不能嘗
有一餐霞子其居諱俗遊論時實蕭爽在
夏亦如秋幽澗常塵瀝高松風颼颼其中
半日坐忘却百年愁
妾在邯鄲住歌聲亦抑揚賴我安居處此
曲舊來長既醉莫言歸留連日未央兒家

寢宿麤綉被滿銀床
快榜三翼舟善乘千里馬莫能造我家謂
言最幽野巖岫深嶂中雲雷竟日下自非
孔丘公無能相救者
智者君拋我愚者我拋君非愚亦非智從
此斷相聞入夜歌明月侵晨舞白雲焉能
住口手端坐鬢紛紛
有鳥五色文棲桐食竹實徐動合禮儀和
鳴中音律昨來何以至爲吾暫時出儻聞
絃歌聲作舞欣今日

茅棟野人居門前車馬跡林幽偏聚鳥谿
閣本藏魚山果攜兒摘臯田共婦鋤家中
何所有唯有一床書

登陟寒山道寒山路不窮谿長石磊磊澗
閣草濛濛苔滑非閑雨松鳴不假風誰能
超世累共坐白雲中

六極常攪困九維徒自論有才遺草澤無
藝閉蓬門日上巖猶暗煙消谷尚昏其中
長者子箇箇揔無禪

白雲高嵯峨綠水蕩潭波此處聞漁父時

時鼓棹歌聲聲不可聽令我愁思多誰謂
雀無角其如穿屋何
杳杳寒山道落落冷澗濱啾啾常有鳥寂
寂更無人淅淅風吹面紛紛雪積身朝朝
不見日歲歲不知春
少年何所愁愁見鬢毛白白更何所愁愁
見日逼迫移向東岱君配守北邙宅何忍
出此言此言傷老客
聞道愁難遣斯言謂不真昨朝曾越却今
日又纏身月盡愁難盡年新愁更新誰知

席帽下元是昔愁人

兩龜乘犢車驀出路頭戲一薑從傍來苦
死欲求寄不載爽人情始載被沉累彈指
不可論行恩却遭刺

三月蠶猶小女人來采花隈牆弄蝴蝶臨
水擲蝦蟆羅袖盛梅子金篦挑笋芽聞論
多物色此地勝余家
東家一老婆富來三五年昔日貧於我今
笑我無錢渠笑我在後我笑渠在前相笑
儻不止東邊復西邊

富兒多執掌觸事難祇承倉米已赫赤不
貸人斗升轉懷鉤距意買絹先揀綾若至
臨終日吊客有蒼蠅
白鶴銜苦桃千里作一息欲往蓬萊山將
此充糧食未達毛摧落離羣心慘惻却歸
舊來巢妻子不相識
慣居幽隱處乍向國清中時訪豐干老仍
來看拾翁獨廻上寒巖無人話合同尋究
無源水源窮水不窮
生前太愚癡不爲今日悟今日如許貧總

是前生做今日又不修來生還如故兩岸
各無船渺渺難濟渡
璨璨盧家女舊來名莫愁貪乘摘花馬樂
撈採蓮舟膝坐綠熊席身披青鳳裘哀傷
百年內不免歸山丘
氏眼挪公妻邯鄲杜生母二人同老少一
種好面首昨日會客場惡衣排在後祇爲
著破裙喫他殘麩麩
獨卧重巖下蒸雲晝不消室中雖瞬變心
裏絕喧囂夢去遊金闕魂歸度石橋拋除

開我者歷歷樹間歌

夫物有所用用之各有宜用之若失所一

闕復一虧圓蓋而方枘悲哉空爾爲驂駟

將捕鼠不及跛猫兒

誰家長不死死死事舊來均始憶八尺漢俄

成一聚塵黃泉無曉日青草有時春行到

傷心處松風愁殺人

駙馬珊瑚鞭驅馳洛陽道自矜美少年不

信有衰老白髮會應生紅顏豈長保但看

北邙山箇是蓬萊島

竟日常如醉流年不暫停埋著蓬蒿下曉

月何冥冥骨肉消散盡魂魄幾凋零遮莫

敲鐵口無因讀老經

一向寒山坐淹留三十年昨來訪親友太

半入黃泉漸滅如殘燭長流似逝川今朝

對孤影不覺淚雙懸

相喚採芙蓉可憐清江裏遊戲不覺暮屢

見狂風起浪捲爲鳶兒波搖鷓鴣子此時

君舟楫浩蕩情無已

吾心似秋月碧潭清皎潔無物堪比倫教

我如何說
垂柳暗如煙飛花飄似霰夫居離婦州婦
住思夫縣各在天一涯何時得相見寄語
明月樓莫貯雙飛鸞
有酒相招飲有肉相呼喚黃泉前後人少
壯須努力玉帶暫時華金釵非久飾張翁
與鄭婆一去無消息
可憐好丈夫身體極稜稜春秋未三十才
藝百般能金鷄逐俠客玉饌集良朋唯有
一般惡不傳無盡燈

桃花欲經夏風月催不待訪覓漢時人能
無一箇在朝朝花迂落歲歲人移改今日
揚塵處昔時爲大海
我見東家女年可十有八西舍競來問願
姻夫妻信烹羊煮衆命聚頭作媾殺含笑
樂呵呵啼哭受殃殃
田舍多桑園牛犢滿廐轍肯信有因果頑
皮早晚裂眼看消磨盡當頭各自活紙袴
无作禪到頭凍餓殺
我見百十狗箇箇毛擊鬣卧者渠自卧行

者渠自行投之一塊骨相與嗟嗟爭良由
爲骨少狗多分不平

極目兮長望白雲四茫茫鴟鴞飽腹鷹鷂
鳳飢徬徨駿馬放石磧蹇驢能至堂天高
不可問鷓鴣在滄浪

洛陽多女兒春日逞華麗共折路邊花各
持插高髻髻高花容匝人見皆睥睨別求
醪醪憐將歸見夫壻

春女術容儀相將南陌陸看花愁日晚隱
樹怕風吹年少從傍來白馬黃金羈何須

父相弄兒家夫壻知

羣女戲夕陽風來滿路香綴裙金蛺蝶掉
髻玉鴛鴦角婢紅羅縠閣如紫錦裳爲觀
失道者鬢白心惶惶

若人逢鬼魅第一莫驚懾捺硬莫采渠呼
名自當去燒香請佛力禮拜求僧助蚊子
釘鐵牛無渠下嘴處

浩浩黃河水東流長不息悠悠不見清人
人壽有極苟欲乘白雲曷由生羽翼唯當
鬢髮時行住須努力

乘茲朽木船來彼紅婆子行至大海中波
濤復不止唯齋一宿糧去岸三千里煩惱
從何生愁哉緣若起
默默求無言後生何所述隱君在林藪智
境何由出枯槁非堅衛風霜成天疾土牛
耕石田未有得稻日
山中何太冷自古非今年杳嶂恒凝雪幽
林每吐煙草生芒種後葉落立秋前此有
沈迷客窺窺不見天
山客心悄悄常嗟歲序遷辛勤采芝采椽

片詎成仙庭廓雲初卷林明月正圓不歸
何所為桂樹相留連

有人坐山陴雲卷兮霞纓秉芳兮欲寄路
漫兮難征心惆悵狐疑年老已無成衆嗟
吟斯寒獨立兮忠貞

猪喫死人肉人喫死猪腸猪不嫌人臭人
返道猪香猪死拋水內人死掘土藏彼此
莫相敵蓮花生沸湯

快哉混沌身不飯復不尿遭得誰鑽鑿因
茲立九竅朝朝為衣食歲歲愁租調千箇

爭一錢聚頭亡命叫
啼哭緣何事淚如珠子顆
應當有別離復
是遭喪禍所為在貧窮
未能了因果家門
瞻死屍六道不于我
婦女慵經織男夫懶耨田
輕浮耽挾彈跔
躑跼拈抹絃凍骨衣應急
充腸食在先今誰
念於汝苦痛哭蒼天
不行真正道隨邪號行
婆口惹神佛少心
懷嫉妬多背後噎魚肉
人前念佛陀如此
修身處應難避奈何

世有一等愚茫茫恰似驢
還解人言語貪
嬌狀若猪險巖難可測
實語却成虛誰能
共伊語令教莫此君
有漢姓傲慢名貪字不廉
一身無所解百
事被他嫌死惡黃連
苦生憐白蜜甜喫魚
猶未止食肉更無厭
縱你居犀角饒君帶虎睛
桃枝將碎穢菘
殼取為瓔暖腹菜羹酒
空心枸杞羹終歸
不免死浪自覓長生
卜擇幽居地天台更莫言
猿啼谿霧冷嶽

色草門連折葉覆松室開池引澗泉已廿
休萬事採葳度殘年

益者益其精可名爲有益易者易其形是
名爲有易能益復能易當得上仙籍無益
復無易終不免死厄

徒勞說三史浪自看五經洎老檢黃籍依
前注白丁筮遭連蹇卦生主虛危星不及
河邊樹年年一度青

碧澗泉水清寒山月華白默知神自明觀
空境逾寂

我今有一襦非羅復非綺借問作何色不
紅亦不紫夏天將作衫冬天將作被冬夏
遞互用長年祇這是

白拂栴檀柄馨香竟日聞柔和如卷霧搖
拽似行雲禮奉宜當暑高提復去塵時時
方丈內將用指迷人

多少般數人百計求名利心貪覓榮華經
營圖富貴心未片時歇奔突如煙氣家眷
實團圓一呼百諾至不過七十年冰銷瓦
解置死了萬事休誰人承後嗣水浸泥彈

九方知無意智

貪人好聚財恰如梟愛子子大而食母財
多還害已散之即福生聚之即禍起無財
亦無禍鼓翼青雲裏

去家一萬里提劍擊匈奴得利渠即死失
利汝即殂渠命既不惜汝命有何辜教汝
百勝術不貪爲上謀

瞋是心中火能燒功德林欲行菩薩道忍
辱護真心

惡趣甚茫茫冥冥無日光人間八百歲未

抵半宵長此等諸癡子論情甚可傷勸君

求出離認取法中王

世有多解人愚癡徒苦辛不求當來善唯

知造惡因五逆十惡輩三毒以爲親一死

入地獄長如鎮庫銀

天高高不窮地厚厚無極動物在其中憑

茲造化力爭頭覓飽暖作計相噉食因果

都未詳盲兒問乳色

天下幾種人論時色數有賈婆如許夫黃

老元無婦衛氏兒可憐鍾家女極醜渠若

向西行我便東邊走

賢士不貪婪癡人好鑪冶麥地占他家竹

園皆我者努膊覓錢財切齒驅奴馬須看

郭門外壘壘松栢下

噴噴買魚肉擔歸餒妻子何須殺他命將

來活汝已此非天堂緣純是地獄滓徐六

語破堆始知沒道理

有人把椿樹喚你白栴檀學道多沙數幾

箇得泥洹棄金却擔草謾他亦自謾似聚

沙一匙成團也大難

烝砂擬作飯臨渴始掘井用力磨甌甌那

堪將作鏡佛說元平等恁有真如性但自

審思量不用閑爭競

推尋世間事子細揔皆知九事莫容易盡

愛討便宜護即弊成好毀即是成非故知

雜瀝口背面揔由伊冷暖我自量不信及

唇皮

蹭蹬諸貧士飢寒成至極閑居好作詩札

礼用心力賤人言孰采勸君休歎息題安

餬餅上乞狗也不喫

欲識生死譬且將冰水比水結即成冰冰
銷返成水已死必應生出生還復死冰水
不相傷生死還雙美

尋思少年日遊獵向平陵國使職非願神
仙未足稱聯翩騎白馬喝兔放蒼鷹不覺
大流落皤皤誰見矜

偃息深林下從生是農夫立身既質直出
語無諂諛保我不鑒璧信君方得珠焉能
同汎濫極目波上鳧

富兒會高堂華燈何煒煌此時無燭者心

願覩其傍不意遭排遣還歸暗處藏益人
明詐損頓訝惜餘光

世有聰明士勤苦探幽文三端自孤立六
藝越諸君神氣卓然異精彩超衆羣不識
箇中意逐境亂紛紛

層層山水秀煙霞鎖翠微嵐拂紗巾濕露
露萋草衣足躡遊方履手執古藤枝更觀
塵世外夢境復何爲

滿卷才子詩溢壺聖人酒行愛觀牛犢坐
不離左右霜露入茅檐月華明龔牖此時

吸兩甌吟詩三兩首

施家有兩兒以藝干齊楚文武各自備託
身為得所孟公問其術我子親教汝秦衛
兩不成失時成齟齬
止宿鴛鴦鳥一雄兼一雌銜花相共食刷
羽每相隨戲入煙霄裏宿歸沙岸湄自憐
生處樂不奪鳳凰池
或有銜行人才藝過周孔見罷頭兀兀看
時身侗侗繩牽未肯行錐刺猶不動恰似
羊公鶴可憐生艷艷

少小帶經鋤本將兄共居緣遭他輩責剩
被自妻踈拋絕紅塵境常遊好閱書誰能
借斗水活取轍中魚

變化計無窮生死竟不止三途鳥雀身五
嶽龍魚已世濁作親孺時清為駮駟前迴
是富兒今度成貧士

書判全非弱嫌身不得官銓曹被拗折洗
垢覓瘡癥必也閑天命今年更試看盲兒
射雀目偶中亦非難

貧驢欠一尺富狗剩三寸若分貧不平中

半富與困始取驢飽足却令狗飢頓為沒
熟思量令我也愁悶

柳郎八十二藍嫂一十八夫妻共百年相
憐情狡猾弄璋字烏醜擲瓦名娼媼屢見
枯楊羨常遭青女殺

大有飢寒客生將獸魚殊長存廟石下時
哭路邊隅晏日空思飯終冬不識襦唯齋
一束草并帶五升麩

赫赫誰麤肆其酒甚濃厚可憐高幡幟極
目平并斗何意訝不售其家多猛狗童子

欲來沽狗齒便是走

吁嗟濁濫處羅刹共賢人謂是等流類焉
知道不親狐假師子勢詐妄却稱珍鉉礦
入鑪冶方知金不真

田家避暑月斗酒共誰歡雜雜排山果踈
踈圍酒樽蘆葑將代席蕉葉且充盤醉後
揩頤坐須彌小彈丸

箇是何措大時來省南院年可三十餘曾
經四五選囊裏無青蚨篋中有黃卷行到
食店前不敢暫迴面

爲人常與用愛意須慳惜老去不自由漸
被他排片送向荒山頭一生願虛擲亡羊
罷補牢失意終無極

浪造凌霄閣虛登百尺樓養生仍天命誘
讀詎封侯不用從黃口何須歎白頭未能
端似箭且莫曲如鈎

富貴踈親聚祇爲多錢米貧賤骨肉離非
閑少兄弟急須歸去來招賢閣未啓浪行
朱雀街踏破皮鞋底

我見一癡漢仍居三兩婦養得八九兒揔

是隨宜手丁戶是新差資財非舊有黃蘖
作驢糞始知苦在後

新穀尚未熟舊穀今已無就貸一斗許門
外立踟躕夫出教問婦婦出遣問夫慳惜
不救乏財多爲累愚

大有好笑事畧陳三五箇張公富奢華孟
子貧軼軻祇取侏儒飽不憐方朔餓巴歌
唱者多白雪無人和

老翁娶少婦髮白婦不耐老婆嫁少夫面
黃夫不愛老翁娶老婆一一無棄背少婦

嫁少夫兩兩相憐態
雍容羨少年博覽諸經史盡號曰先生皆
稱為學士未嘗得官職不解秉耒耜冬披
破布衫蓋是書誤已
鳥語情不堪其時卧草庵櫻桃紅燦燦楊
柳正毵毵旭日銜青嶂晴雲洗綠潭誰知
出塵俗馭上寒山南
昨日何悠悠場中可憐許上為桃李徑下
作蘭蓀渚復有綺羅人舍中翠毛羽相逢
欲相喚脉脉不能語

丈夫莫守困無錢須經紀養得一犉牛生
得五犢子犢子又生兒積數無窮已寄語
陶朱公富與君相似
之子何惶惶卜居須自審南方瘴癘多北
地風霜甚荒陬不可居毒川難可飲魂兮
歸去來食我家園菘
昨夜夢還家見婦機中織駐梭如有思擊
梭似無力呼之迴面視况復不相識應是
別多年鬢毛非舊色
入生不滿百常懷千載憂自身病始可又

爲子孫愁下視禾根下上看桑樹頭秤鎰
落東海到底始知休
世有一等流悠悠似木頭出語無知解云
我百不憂問道道不會問佛佛不求子細
推尋著莽然一場愁
董郎年少時出入帝京裏衫作嫩鴉黃容
儀盡相似常騎踏雪馬拂拂紅塵起觀者
滿路傍箇是誰家子
箇是誰家子爲人大被憎癡心常憤憤肉
眼醉曹曹見佛不禮佛逢僧不施僧唯知

所謂人主人
在在也言云
令人少傷
心至有人
在
而情早不在
者乎

打大齋除此百無能
人以身爲本本以心爲柄本在心莫邪心
邪喪本命未能免此殃何言懶照鏡不念
金剛經却令菩薩病
城北仲家翁渠家多酒肉仲翁婦死時吊
客滿堂屋仲翁自身如能無一人哭喫他
盃齋者何太冷心腹
下愚讀我詩不解却嗤謂中庸讀我詩思
量云甚要上賢讀我詩把著滿面笑揚脩
見幼婦一覽便知妙

自有慳惜人我非慳惜輩衣單為舞穿酒
盡緣歌啐當取一腹飽莫令兩脚儼蓬蒿
鑽獨體此日君應悔

我行經古墳波盡嗟存沒家破墜黃腸棺
穿露白骨歌斜有瓮餅振撥無著笏風至

攪其中灰塵亂踴踴

夕陽下西山草木光曄曄復有朦朧麴松

蘿相連接此中多伏虎見我奮迅鬣手中

無寸刃爭不懼懾懾

出身既擾擾世事非一狀未能捨流俗所

以相追訪昨吊徐五死今送劉三葬白白

不得閑為此心悽愴

有樂且須樂時哉不可失雖云一百年豈

滿三萬日寄世是須更論錢莫啾唧孝經

末後章委曲陳情畢

獨坐常忽忽情懷何悠悠山腰雲漫漫谷

口風颼颼猿來樹嫋嫋鳥入林啾啾時催

鬢颯颯歲盡老惆惆

一人好頭肚六藝盡皆通南見驅歸北西

逢趨向東長漂如汎萍不息似飛蓬問是

何等色姓貧名曰窮

他賢君即受不賢君莫與君賢他見容不

賢他亦拒嘉善矜不能仁徒方得所勸逐

子張言拋却卜商語

俗薄真成薄人心箇不同毅翁笑柳老柳

老笑毅翁何故兩相笑俱行諛諛中裝車

競喘嶮翻載各瀧凍

是我有錢日恒為汝貸將汝今既飽暖見

我不分張須憶汝欲得似我今承望有無

更代事勸汝熟思量

善常少而
思愈多義

人生一百年佛說十二部慈悲如野鹿

忿似家狗家狗越不去野鹿常好走欲伏

獼猴心須聽獅子吼

教汝數般事思量知我賢極貧忍賣屋纔

富須買田空腹不得走枕頭須莫眠此言

期衆見掛在日東邊

寒山多幽竒登者皆恒懾月照水澄澄風

吹草獵獵凋梅雪作花机木雲充葉觸雨

轉鮮靈非睛不可涉

有樹先林生計年逾一倍根遭陵谷變葉

被風霜改成笑外凋零不憐內紋絲皮膚
脫落盡唯有真實在
寒山有躲蟲身白而頭黑手把兩卷書一
道將一德任不安釜竈行不齋衣被常持
智意劍擬破煩惱賊
有人畏白首不肯捨朱紱來藥空求仙根
苗亂挑拙數年無効驗癡意瞋佛鬱獵師
披袈裟元非汝使物
昔時可可貧今朝最貧凍作事不諧和觸
途成恹恹行泥屢脚屈坐社頰腹痛失却

斑猫兒老鼠圍飯瓮

我見世間人堂堂好儀相不報父母恩方
寸底模樣欠負他人錢蹄穿始惆悵箇箇
惜妻兒爺娘不供養兄弟似冤家心中常
悵悵憶昔少年時求神願成長今爲不孝
子世間多此樣買肉自家噎抹嘴道我暢
自逞說嘍囉聰明無益當牛頭努目噴出
去始時擲佛燒好香揀僧歸供養羅漢
門前乞趁却閑和尚不悟無爲人從來無
相狀封疏請名僧覓錢兩三樣雲光好法

不以惡人不
能成佛

以心字也

師安角在頭上汝無平等心聖賢俱不降
凡聖皆混然勸君休取相我法妙難思天
龍盡迴向

身著空花衣足躡龜毛履手把兔角弓擬
射無明鬼

可貴天然物獨一無伴侶覓他不可見出
入無門戶促之在方寸延之一切處你若
不信受相逢不相遇

余家有一窟窟中無一物清潔空堂堂光
華明日日蔬食養微軀布裘遮幻質任你

印克已後
禮之三義

千聖現我有天真佛

男兒大丈夫作事莫莽鹵勁挺鐵石心直
取菩提路邪路不用行行之枉辛若不要
求佛果識取心王主

粵自居寒山曾經幾萬載任運遯林泉棲
遲觀自在寒巖人不到白雲常發麤細草
作卧褥青天為被蓋快活枕石頭天地任
變改

可重是寒山白雲常自閑猿啼暢道內虎
嘯出入間獨步石可履孤吟藤好攀松風

清颯颯鳥語聲嘈嘈

閑自訪高僧煙山萬萬層師親指歸路月
掛一輪燈

閑遊華頂上日朗晝光輝四顧晴空裏白
雲同鶴飛

世有多事入廣學諸知見不識本真性與
道轉懸遠若能明實相豈用陳虛願一念
了自心開佛之知見

寒山有一宅宅中無闌隔六門左右通堂
中見天碧房房虛索索東壁打西壁其中

一物無免被人來借寒到燒輦火飢來煮

菜喫不學田舍翁廣置牛莊宅盡作地獄

業一入何曾極好好善思量思量知軌則

儂家暫下山入到城隍裏逢見一羣女端

正容貌美頭戴蜀樣花膩脂塗粉膩金釧

鏤銀朶羅衣緋紅紫朱顏類神仙香帶氛

氤氣時人皆顧盼癡愛染心意謂言世無

雙魂影隨他去狗齧枯骨頭虛自舐唇齒

不解這思量與畜何曾異今成白髮婆老

陋若精魅無始由狗心不超解脫地

一自邈寒山養命餐山果平生何所憂此
世隨緣過日月如逝川光陰石中火任你
天地移我暢巖中坐
我見世間人茫茫走路塵不知此中事將
何爲去津榮華能幾日眷屬片時親縱有
千片金不如林下貧
自聞梁朝日四依諸賢士寶誌萬廻師四
仙傳大士顯揚一代教作持如來使建造
僧伽藍信心歸佛理雖乃得如斯有爲多
患累與道殊懸遠折西補東爾不達無爲

功損多益少矣有聲而無形至今何處是
吁嗟貧復病爲人絕友親甕裏長無飯甑
中屢生塵蓬菴不免兩漏榻劣容身莫怪
今顛顛多愁定損人
養女畏太多已生湏訓誘捺頭遣小心鞭
背令緘口未解乘機行那堪事箕箒張婆
語驢駒汝大不如母
秉志不可卷湏知我匪席浪造山林中獨
卧盤陀石辨士來勸余速令受金磬蓋墻
植蓬蒿若此非有益

以我棲遲處幽深難可論無風蘿自動不
霧竹長昏澗水綠誰咽山雲忽自屯午時
庵內坐始覺日頭暎
憶昔過逢處人間逐勝遊樂山登萬仞愛
水泛千舟送客琵琶谷攜琴鸚鵡洲焉知
松樹下抱膝冷颼颼
報汝修道者進求虛勞神人有精靈物無
字復無文呼時歷歷應隱處不居存叮嚀
善保護勿令有點痕
去年春鳥鳴此時思弟兄今年秋菊爛此

時思發生綠水千場咽黃雲四面平哀哉
百年內腸斷憶咸京
多少天台人不識寒山子莫知真意度喚
作閒言語

可惜百年屋左倒右後傾墻壁分散盡木
植亂差橫斃瓦片片落朽爛不堪停狂風
吹驀塌再豎卒難成
精神殊爽爽形貌極堂堂能射穿七札讀
書覽五行經眠虎頭枕昔坐象牙床若無
阿堵物不啻冷如霜

笑我田舍兒頭顛底繫澁巾子未曾高腰
帶長時急非是不及時無錢趁不及一日
有錢財浮圖頂上立
買肉血濫濫買魚跳鱖鱖君身招罪累妻
子成快活終死渠便嫁他人誰敢過一朝
如破床兩箇當頭脫
客難寒山子君詩無道理吾觀乎古人貧
賤不為耻應之笑此言談何踈闊矣願君
似今日錢是急事爾
從生不往來至死無仁義言既有枝葉心

懷便險說若其開小道緣此生大偽詐說
造雲梯削之成棘刺
一餅鑄金成一餅埏泥出二餅任君看那
箇餅牢實欲知餅有二頃知業非一將此
驗生因修行在今日
摧殘荒草廬其中煙火蔚借問羣小兒生
來凡幾日門外有三車迎之不肯出飽食
腹膨脹箇是癡頑物
有身與無身是我復非我如此審思量遷
延倚巖坐足間青草生頂上紅塵墮已見

俗中人靈牀施酒果
昨見何邊樹摧殘不可論
二三餘幹在千
萬斧刀痕霜凋萎
疎葉波衝枯朽根
生處當如此何用愁
乾坤憐底衆生病餐
嘗略不厭蒸豚搵蒜
醬炙鴨點椒鹽去骨
鮮魚膾兼皮熟肉臉
不知他命苦祇取自家甜
讀書豈免死讀書豈免貧
何以好識字識字勝他人
丈夫不識字無處可安身
黃連搵蒜醬忘計是苦辛

我見謾人漢如籃盛水走一氣將歸家
籃裏何曾有我見被人謾一似園中韭日日
被刀傷天生還自有
不見朝垂露日爍自消除
人身亦如此閻浮是寄居
切莫因循過且令三毒祛
菩提即煩惱盡令無有餘
水清澄澄澄徹底自然見
心中無一事萬境不能轉
心既不妄起永劫無改變
若能如是知是知無背面
說食終不飽說衣不免寒
飽喫頭是飯著

木方免寒不解審思量祇道求佛難廻心
即是佛莫向外頭看
可畏輪廻苦往復似翻塵蟻巡環未息六
道亂紛紛改頭換面孔不離舊時人速了
黑暗獄無令心性昏
可畏三界輪念念未曾息纔始似出頭又
却遭沉溺假使非非想想蓋緣多福力爭似
識真源一得即求得
昨日遊峯頂下窺千尺崖臨危一株樹風
擺兩枝開雨漂即零落日曬作塵埃嗟見

此茂秀今爲一聚灰
自古多少聖叮咛教自信人根性不等高
下有利鈍真佛不肯認置力在受困不知
清淨心便是法王印
我聞天台山中
有琪樹永言欲攀之莫
曉石橋路緣此生悲嘆幸居將已暮今日
觀鏡中颯颯鬢垂素
養子不經師不及都亭鼠何曾見好人豈
聞長者語爲染在薰猶應須擇朋侶五月
販鮮魚莫教人笑汝

徒閉蓬門坐頻經石火遷唯聞人作鬼不見鶴成仙念此那堪說隨緣須自憐迴瞻郊郭外古墓犁爲田時人見寒山各謂是風顛貌不起人目身唯布裘纏我語他不會他語我不言爲報往來者可來向寒山自在白雲閑從來非買山下危湏策杖上險捉藤攀澗底松常翠谿邊石自斑友朋雖阻絕春至鳥喧喧我在村中住衆推無比方昨日到城下仍

被狗形相或嫌袴太窄或說衫少長撐却鷄子眼雀兒舞堂堂

死生元有命富貴本由天此是古人語吾今非謬傳聰明好短命癡騃却長年鈍物豐財寶惺惺漢無錢

國以人爲本猶如樹因地地厚樹扶疎地薄樹憔悴不得露其根枝枯子先墜決陂以取魚是求一朝利

衆生不可說何意許顛邪面上兩惡鳥心中三毒蛇是渠作障礙使你事煩拏舉手

高彈指南無佛陀耶

自樂平生道煙蘿石洞間野情多故曠長
伴白雲閉有路不通世無心孰可攀石牀
孤夜坐圓月上寒山
大海水無邊魚龍萬萬千遞互相食噉冗
冗癡肉團爲心不了絕妄想起如煙性月
澄澄朗廓爾照無過
目見天台頂孤高出衆群風搖松竹韻月
見海潮頻下望山青際談玄有白雲野情
便山水本志慕道倫

三五癡後生作事不真實未讀十卷書強
把雌黃筆將他儒行篇喚作賊盜律脫體
似蟬蟲咬破他書帙

心高如山嶽人我不伏人解講韋陀典能
談三教文心中無慚愧破戒違律文自言
上人法稱爲第一人愚者皆讚歎智者拊
掌笑陽酸虛空花豈得免生老不如百不
解靜坐絕憂惱

如許多寶具海中乘壞舸前頭失却桅後
頭又無拖宛轉任風吹高低隨浪簸如何

得到岸努力莫端坐

我見凡愚人多畜資財穀飲酒食生命謂
言我富足莫知地獄深唯求上天福罪業
如此富豈得免災毒財主忽然死爭共當
頭哭供僧讀文疏空是鬼神祿福田一箇
無虛設一群禿不如早覺悟莫作黑暗獄
狂風不動樹心真無罪福寄語冗冗人叮
嚀再三讀

勸你三界子莫作勿道理短被他欺理
長不奈你世間濁濫人恰似鼠黏子不見

無事人獨脫無能比早須返本源三界任
緣起清淨入如流莫飲無明水

三界人蠢蠢六道人茫茫貪財愛媯欲心
惡若豺狼地獄如箭射極苦若為當兀兀過
朝夕都不別賢良好惡總不識猶如猪及
羊共語如木石嫉妬似顛狂不自見已過
如猪在圈卧不知自償債却笑牛牽磨
人生在塵蒙却似盆中蟲終日行達達不
離其盆中神仙不可得煩惱計無窮歲月
如流水須臾作老翁

寒山出此語復似顛狂漢有事對面說所
以是人怨心真出語直直心無背面臨死
度奈何誰是嘆囉漢真真泉臺路被業相
拘絆
我見多知漢終日用心神岐路逞嘆囉欺
謾一切人唯作地獄滓不修正直因忽然
無常至定知亂紛紛
寄語諸仁者復以何為懷達道見自性自
性即如來天真元具足修證轉差迴棄本
却逐未祇守一場獸

世有一般人不惡又不善不識主人公隨
客處處轉因循過時光渾是癡肉齋雖有
一靈臺如同客作漢
常聞釋迦佛先受燃燈記燃燈與釋迦祇
論前後智前後體非殊異中無有異一佛
一切佛心是如來地
常聞國大臣朱紫簪纓祿富貴百千般貪
榮不知辱奴馬滿宅舍金銀盈帑屋癡福
暫時扶埋頭作地獄忽死萬事休男女當
頭哭不知有禍殃前路何疾速家破冷颼

飢食無一粒粟凍餓苦悽悽良由不覺觸
上人心猛利一聞便知妙中流心清淨審
思云甚要下士鈍暗癡頑皮最難裂直得
血淋頭始知自摧滅看取開眼賊鬧市集
人決死屍棄如塵此時向誰說男兒大丈夫
夫一刀兩段截人面禽獸心造作何時歇
我有六兄弟就中一箇惡打伊又不得罵
伊又不著處處無奈何耽財好媯殺見好
埋頭愛貪心過羅刹阿爺惡見伊阿娘嫌
不悅昨被我捉得惡罵恣情掣趨向無人

處一一向伊說汝今須改行覆車須改轍
若也不信受共汝惡合殺汝受我調伏我
共汝覓活從此盡和同如今遇菩薩學業
攻鑪冶鍊盡三山鐵至今靜恬恬衆人皆
讚說

昔日極貧苦夜夜數他寶今日審思量自
家須營造掘得一寶藏純是水晶珠大有
碧眼胡密擬買將去余即報渠言此珠無
價數

一生懶懶作憎重祇便輕他家學事業余

持一卷經無心裝標軸來去省人擎應病
則說藥方便度衆生但自心無事何處不
惺惺

我見出家人不入出家學欲知真出家心
淨無繩索澄澄絕玄妙如如無倚託三界
任縱橫四生不可泊無爲無事人逍遙實
快樂

昨到雲霞觀忽見仙尊士皇冠月帔橫盡
云居山水余問神仙術云道若爲比謂言
靈無上妙藥必神祕守死待鶴來皆道乘

魚去余乃返窮之推尋勿道理但看箭射
空須臾還墜地饒你得仙人恰似守屍鬼
心月自精明萬像何能比欲知仙丹術身
內元神是莫學黃巾公捏愚自守擬
余鄉有一宅其宅無正主地生一寸草水
垂一滴露火烧六箇賊風吹黑雲雨子細
尋本人布裹真珠爾
傳語諸公子聽說石齊奴僮僕八百人水
碓三十區舍下養魚鳥樓上吹笙等伸頭
臨白刃癡心爲綠珠

何以長惆悵人生似朝菌那堪數十年新
舊凋落盡以此思自哀哀情不可忍奈何
當奈何脫體歸山隱

繼縷閑前業莫訶今日身若言由家墓箇
是極癡人到頭君作鬼豈令男女貧皎然
易解事作麼無精神

我見黃河水九經幾度清水流如急箭人
世若浮萍癡屬根本業無明煩惱坑輪迴
幾許劫祇為造迷育

二儀既開闢人乃君其中迷汝即吐霧醒

汝即吹風借汝即富貴奪汝即貧窮碌碌

群漢子萬事由天公

余勸諸稚子急離火宅中三車在門外載

你免飄蓬露地四衢坐當天萬事空十方

無上下來去任西東若得箇中意縱橫更

處通

可歎浮生人悠悠何日了朝朝無閑時年

年不覺老摠為求衣食令心生煩惱擾擾

百千年去來三惡道

時人尋雲路雲路杳無蹤山高多險峻澗

開少玲瓏碧嶂前兼後白雲西復東欲知
雲路處雲路在虛空
寒山樓隱處絕得雜人過時逢林內鳥相
共唱山歌瑞草聯谿谷老松枕藜莪可觀
無事客憇歇在巖阿
五嶽俱成粉頰彌一寸山大海一滴水吸
入其心田生長菩提子徧蓋天中天語汝
慕道者慎莫繞十纏
無衣自訪覓莫共狐謀裘無食自來取莫
共羊謀羞借皮慕借肉懷歎復懷愁皆緣

義失所衣食常不周

自羨山間樂道遙無倚托逐日養殘軀
思無所作時披古佛書往往登石閣下窺
千尺崖上有雲旁礪寒月冷颼颼身似孤

飛鶴

我見轉輪王千子常圍遶十善化四天莊
嚴多七寶七寶鎮隨身莊嚴甚妙好一朝
福報盡猶若樓廬鳥還作牛領蟲六趣受
業道况復諸凡夫無常豈長保生死如旋
火輪廻似麻稻不解早覺悟為人在虛老

平野水寬闊丹丘連四明仙都最高秀羣
峯聳翠屏遠遠望何極矻矻勢相迎獨標
海隅外處處播嘉名
可貴一名山七寶何能比松月颼颼冷雲
霞片片起谷市幾重山迴還多少里谿澗
靜澄澄快活無窮已
我見世間人生而還復死昨朝猶二八壯
氣曾襟士如今七十過力困形憔悴恰似
春日花朝開夜落爾
迥聳霄漢外雲裏路昭嶢瀑布千丈流如

鋪練一條下有棲心窟橫安定命橋雄雄
鎮世界天台名獨超
盤陀石上坐谿澗冷淒淒靜玩偏嘉麗虛
巖蒙霧迷怡然憇歇處日斜樹影低我自
觀心地蓮花出淤泥
隱士遁人間多向山中眠青蘿踈麓麓碧
澗響聯聯騰騰且安樂悠悠自清閑免有
染世事心靜如白蓮
寄語食肉漢食時無逗遛今生過去種未
來今日修祇取今日美不畏來生憂老鼠

入飯羹雖飽難出頭
自從出家後漸得養生趣
伸縮四肢全勤
聽六根具褐衣隨春冬
糲食供朝暮今日
懇懇修願與佛相遇
世事繞悠悠貪生未肯休
研盡大地石何
時得歇頭四時周變易
八節急如流為報
火宅主露地騎白牛
可笑五陰窟四蛇同共
君黑暗無明燭三
毒遮相驅伴黨六箇賊
劫掠法財珠斫却
魔軍輩安泰湛如蘇

常聞漢武帝爰及秦始皇
俱好神仙術延
年竟不長金臺既摧折
沙丘遂滅亡茂陵
與驪嶽今日草茫茫
憶得二十年徐步國清歸
國清寺中人盡
道寒山癡癡人何用疑疑
不解柔思我尚
自不識是伊爭得知
低頭不用問問得復
何為有人來罵我
分明了了知雖然不應
對却是得便宜
語你出家輩何名為出家
奢華求養活繼
綴族姓家美舌甜唇
蕭諂曲心鉤加終日

禮道場持經置功課鑪燒神佛香打鐘高
聲和六時學客春晝夜不得卧我爲愛錢
財心中不脫灑見他高道人却嫌誹謗罵
驢屎比麝香苦哉佛陀耶

又見出家兒有力及無力上上高節者鬼
神欽道德君王分輦坐諸侯拜迎逆堪爲
世福田世人須保惜下下低愚者詐見多
求覓濁濫即可知愚癡愛財色著却福田
衣種田討衣食作債稅牛犁爲事不忠直
朝朝行弊惡往往痛腎脊不解善思量地

獄苦無極一朝著病纏三年卧床席亦有
真佛性翻作無明賊南無佛陀耶遠遠求
彌勒

寒巖深更好無人行此道白雲高岫閑青
嶂孤猿嘯我更何所親暢志自宜老形容
寒暑遷心珠甚可保

巖前獨靜坐圓月當天耀萬象影現中一
輪本無照廓然神自清含虛洞玄妙因指
見其月月是心樞要

本志慕道倫道倫常獲親時逢社源客每

接話禪賓談玄明月夜探理日臨晨萬機
俱浪迹方識本來人

元非隱逸士自號山林人仕魯蒙憤帛且
愛衰練巾道有巢許採取為堯舜臣獼猴
單帽子學人避風塵

自古諸哲人不見有長存生而還復死盡
變作灰塵積骨如毗富別淚成海津唯有
空名在豈免生死輪

今日巖前坐坐父煙雲收一道清谿冷千
尋碧嶂頭白雲朝影靜明月夜光浮身上

無塵垢心中那更憂

千雲萬水間中有一閑士白日遊青山夜
歸巖下睡倏爾過春秋寂然無塵累快哉
何所依靜若秋江水

勸你休去來莫惱他闍老失脚入三途粉
骨遭千擣長為地獄人未隔今生道勉你
信余言識取衣中寶

世間一等流誠堪為人笑出家弊已身誑
俗將為道維著離塵衣衣中多養蚤不如
歸去來識取心王好

高高峯頂上四顧極無邊
獨坐無人知孤月照寒泉
泉中且無月月自在青天吟
此一曲歌歌中不是禪
有箇王秀才笑我詩多失
云不識蜂腰仍不會鶴膝平
側不解墜凡言取次出我笑
你作詩如育徒詠日
我住在村鄉無爺亦無娘
無名無姓第人喚你張王
並無人教我貧賤也尋常自憐
心的實堅固等金剛
寒山出此語此語無人信
蜜甜足人嘗黃

棄苦難近順情生喜悅
逆意多瞋恨但看木傀儡
弄了一場困

我見人轉經依他言語會
口轉心不轉心口相違背
心真無委曲不作諸纏蓋
但且自省躬莫覓他替代
可中作得主是知無

內外

寒山唯白雲寂寂絕
挨塵草座山家有孤
燈明月輪石牀臨碧沼
虎鹿每為鄰自羨
幽居樂長為象外人
鹿生深林中飲水而食草
伸脚樹下眠可

憐無煩惱繫之在華堂銷鐺極肥好終日
不肯嘗形容轉枯槁
花上黃鸝子啾啾聲可憐美人頰似玉對
此弄鳴絃玩之能不足眷戀在韶年花飛
鳥亦散灑淚秋風前
棲遲寒巖下偏訝最幽奇攜籃采山茹挈
籠摘果歸蔬齋敷茅坐啜啄食紫芝清沼
濯瓢鉢雜和煮稠稀當陽擁裘坐閑讀古
人詩
昔日經行處今復七十年故人無來往埋

司直蔡陸全者介非

在古家問余今頭已白猶守片雲山為報
後來子何不讀古言
欲向東巖去于今無量年昨來攀葛上半
路困風煙徑窄衣難進苔黏履不前往茲
丹桂下且枕白雲眠
我見利智人觀者便知意不假尋文字直
入如來地心不逐諸緣意根不妄起心意
不生時內外無餘事
我今稽首禮無上法中王慈悲大喜捨名
稱滿十方衆生作依怙智慧身金剛頂禮

無所著我師大法王
君看葉裏花能得幾時好今日畏人攀明
朝待誰掃可憐嬌豔情年多轉成老將世
比於花紅顏豈長保
畫棟非吾宅青林是我家一生俄爾過萬
事莫言賒濟渡不造後漂淪為采花善根
今未種何日見生芽
出生三十年嘗遊千萬里行江青草合入
塞紅塵起鍊藥空求仙讀書兼詠史今日
歸寒山枕流兼洗耳

金先生 信正

寒山無漏巖其巖甚濟要八風吹不動萬
古人傳妙寂寂好安居空空離譏誚孤月
夜長明圓日常來照虎丘兼虎窟不用相
呼召世間有王傳莫把同周召我自遯寒
岩快活長歌笑
沙門不持戒道士不服藥自古多少賢盡
在青山脚
有人笑我詩我詩合典雅不煩鄭氏箋豈
用毛公解不恨會人稀祇為知音寡若遣
赴宮商余病莫能罷忽遇明眼人即自流

天下

五言五百篇七字七十九三字二十一都
來六百首一例書若石自誇云好手若能
會我詩真是如來母

七字

余曾昔觀聰明士博達英靈無比倫一選
嘉名喧宇宙五言詩句越諸人為官治化
超先輩直為無能繼後塵忽然富貴貪財
色瓦解冰銷不可陳
貪愛有人求快活不知禍在百年身但看

陽酸浮漚水便覺無常敗壞人丈夫志氣
直如鐵無曲心中道自真行密節高霜下
竹方知不枉用心神

汝謂埋頭癡兀兀愛向無明羅刹窟再二
勸你早修行是你頑癡心恍惚不肯信受
寒山語轉轉倍加業汨汨直待斬首作兩
段方知自身效賊物

雲山疊疊連天碧路僻林深無客遊遠望
孤蟾明皎皎近聞羣鳥語啾啾老夫獨坐
棲青嶂少室閑居任白頭可歎往年與今

日無心還似水東流
一住寒山萬事休更無雜念掛心頭閑於
石壁題詩句任運還同不繫舟
余見僧繇性希奇巧妙間生梁朝時道子
飄然為殊特二公善繪手毫揮逞畫圖真
意氣異龍行鬼走神巍巍饒貌虛空寫塵
跡無因盡得志公師
久住寒山凡幾秋獨吟歌曲絕無憂蓬萊
不掩常幽寂泉涌甘漿長自流石室地爐
砂鼎沸松黃柏茗乳香旣飢餐一粒伽陀

藥心地調和倚石頭

二生萬死何時已生死來去轉迷盲不識
心中無價寶猶似盲驢信脚行

老病殘年百有餘面黃頭白好山居布裘
擁篲隨緣過豈羨人間巧樣模心神用盡
為名利百種貪婪進已軀浮生幻化如燈
燼家內埋身是有無
世間何事最堪嗟盡是三途造罪楂不學
白雲巖下客一條寒衲是生涯秋到任他
林落葉春來從你樹開花三界橫眠閑無

事明月清風是我家
昔年曾到大海遊為采摩尼誓懇求直到
龍宮深密處金闕鎖斷主神愁龍王守護
安耳裏劍客星揮無處搜賈客却歸門內
去明珠元在我心頭
眾星羅列夜明深岩點孤燈月未沉圓滿
光華不磨瑩掛在青天是我心
千年石上古人蹤萬丈巖前一點空明月
照時常皎潔不勞尋討問西東
寒山頂上月輪孤照見晴空一物無可貴

天然無價寶埋在五陰溺身軀
我向前谿照碧流或向巖邊坐盤石心似
孤雲無所依悠悠世事何須覓
我家本住在寒山石岩棲息離煩緣泯時
萬象無痕跡舒處周流徧大千光影騰輝
照心地無有一法當現前方知摩尼一顆
珠解用無方處處圓
世人何事可吁嗟苦樂交煎勿底涯生死
往來多少劫東西南北是誰家張王李趙
權時姓六道三途事似麻祇為主人不了

絕遂招遷謝逐迷邪

余家本住在天台雲路煙深絕客來千仞
岩巖深可遜萬重谿澗石樓臺樺巾木屐
泐流步步裘藜杖繞山迴自覺浮生幻化
事道遙快樂實善哉

丹丘迫聳與雲齊空裏五峯遙望低鴈塔
高排出青嶂禪林古殿入虹蜺風搖松葉
赤城秀霧吐中岩仙路迷碧落千山萬仞
現藤蘿相接次連谿
自從到此天台境經今早度幾冬春山水

不移人自老見却多少後生人

三字

寒山道無人到若能行稱十号有蟬鳴無
鴉噪黃葉落白雲掃石磊磊山隩隩我獨
居名善導子細看何相好

寒山寒冰鎖石藏山青現雪白日出照一
時釋從茲暖養老客

我居山勿人識白雲中常寂寂

寒山深稱我心純白石勿黃金泉聲響撫
伯琴有子期辨此音

重岩中足清風扇不搖涼氣通明月照白
雲籠獨自坐一老翁
寒山子長如是獨自君不生死
不須攻人惡何用伐已善行之則可行卷
之則可卷祿厚憂責大言深慮交淺聞茲
若念茲小兒當自見
寒山詩終 北州錢塘門裏車橋南大街郭宅
印行

豐干禪師錄

道者豐干未窮根裔古老見之居于天台
山國清寺剪髮齊眉毳裘擁質緇素問掬
乃云隨時貌悴昂藏恢端七尺唯攻春米
供僧夜則禱房吟詠自樂郡縣諳知咸謂
風僧或發一言異於常流忽爾一日騎虎
松徑來入國清巡廊唱道衆皆驚訝怕懼
怛然並欽其德昔京輦與胤救疾到任丹
丘跡無追訪賢人隱遯示化東甌唯於房
中壁上書曰

余自來天台凡經幾萬迴一身如雲水悠
悠任去來逍遙絕無開忘機隆佛道世途
歧路心衆生多煩惱兀兀沈浪海漂漂輪
三界可惜一靈物無始被境埋電光瞥然
起生死紛塵埃寒山特相訪拾得罕期來
論心話明月太虛廓無礙法界即無邊一
法普徧該
本來無一物亦無塵可拂若能了達此不
用坐兀兀

拾得錄

豐干禪師寒山拾得者在唐太宗貞觀年
中相次垂跡於國清寺拾得者豐干禪師
因遊松徑徐步於赤城道路側偶而聞啼
乃尋其由見一子可言十歲初謂彼村牧
牛之子委問逗遛云我無舍無姓遂引至
寺付庫院候人來認數旬之間絕其親鞠
乃令事知庫僧靈煇經于三祀頗會人言
令知食堂香燈供養忽於一日與像對坐
佛盤同餐復于聖僧前云小果之位喃喃
呵哩而言傷哉煇謂老宿等此子心風無

令下供乃令厨内洗滌器物每澄食滓而
以筒盛寒山子來負之而去或發一言我
有一珠理在陰中無人別者衆謂癡子寺
内山王僧常參奉及下供養香燈等務食
物多被鳥所耗忽一夜僧衆同夢見山王
云捨得打我瞋云汝是神道守護伽藍更
受沙門參奉供養既有靈驗何以食被鳥
殘今後不要僧參奉供養至旦僧衆上堂
各說所夢皆無一差靈熠亦然喧喧未止
熠下供養忽見山王身上而有杖痕所損

熠乃報衆衆皆奔看各云夜夢斯事乃知
捨得不是凡間之子一寺紛紜具狀申州
報縣符下賢士遯跡菩薩化身宜令號爲
捨得賢士此後傳傳又於莊頭牧牛歌詠叫
天又因半月布薩衆僧說戒法事合時捨
得驅牛至堂前倚門而立拊掌微笑曰悠
悠哉聚頭作相這箇如何老宿律德怒而
呵云下人風狂破於說戒捨得笑而言曰
無瞋即是戒心淨即出家我性與汝合一
切法無差尊宿出堂打趁捨得令驅牛出

去拾得言我不放牛也。此群牛皆是前生
大德知事人。咸有法號。喚者皆認。時拾得
一一喚牛云。前生律師弘靖出時。一白牛
作聲而過。又喚前生典座光超出時。一黑
牛作聲而過。又喚直歲靖本出時。一牯牛
作聲而出。又喚云。前生知事法忠出時。一
牯牛作聲而出。乃獨牽謂牛曰。前生不持
戒人面而畜心。汝今招此咎。怨恨於何人。
佛力雖然大。汝辜於佛恩。大衆驚訝。忙然
因茲。又報州縣使令。入州不赴。召命盡代。

人仰因茲顯現。寺衆徬徨。咸歎菩薩來於
人世。聊纂實錄。貴不墜爾。兼於土地堂壁
上書語。數聯貴示後人。乃集語曰。
東洋海水清水清。復見底靈源。涌法泉。斫
水無刀痕。我見頑嚚士。燈心拄須彌。寸樵
煮大海。甲林大地石。烝砂豈成飯。磨靛將
作鏡。說食終不飽。直須著力行。恢恢大丈
夫。堂堂六尺士。枉死埋冢間。可惜孤標物。
不見日光明。照耀於天下。太清廓落洞。明
月可然貴。余本任無方。磅礴無爲理。時陟

涅槃山徐步香林裏左手握驪珠右手握
摩尼莫邪未足刃智劍斬六賊般若酒清
冷飲啄澄神思余閑來天台尋人人不至
寒山同爲侶松風水月間何事最幽邃唯
有遯居人悠悠三界主古佛路凄凄無人
行至此今跡誰不踏旋機滯凡累可畏生
死輪輪之末曾息嗟彼六趣中茫茫諸迷
子人懷天真佛大寶心珠祕迷盲沈沈流
汨沒何時出
拾得自閭丘太守拜後同寒山子把手走

出寺跡隱後因國清僧登南峯采薪遇一
僧似梵儀持錫入岩挑鎖子骨而去乃謂
僧曰取拾得舍利僧遂白寺衆衆方委拾
得在此岩入滅乃號爲拾得岩在寺東南
隅登山二里餘地聊錄如前貴示後人矣

拾得詩

諸佛留藏經祇爲人難化不唯賢與愚箇
箇心構架造業大如山豈解懷憂怕那箇
細尋思日夜懷茲詎
嗟見世間人箇箇愛與肉梳襟不曾乾長

時道不足昨日設箇齋今朝宰六畜都緣
業使牽非干情所欲一度造天堂百度造
地獄閻羅使來追合家盡啼哭鑪子邊向
火鑊子裏澡浴更得出頭時換却汝衣服
出家要清閑清閑即為貴如何塵外人却
入塵埃裏一向迷本心終朝役名利名利
得到身形容已顛顛况復不遂者虛用平
生志可憐無事人未能笑得爾
養兒與取妻養女求媒娉重重皆是業更
殺衆生命聚集會親情總來看盤飣目下

雖稱心罪簿先注定

得此分段身可笑好形質面貌似銀盤心

中黑如漆烹猪又宰羊誇道甜如蜜死後

受波吒更莫稱冤屈

佛哀三界子摠是親男女恐沉黑暗坑示

儀垂化度盡登無上道俱證菩提路教汝

癡衆生慧心勤覺悟

佛捨尊榮樂為愍諸癡子早願悟無生辨

集無上事後來出家者多緣無業次不能

得衣食頭鑽入於寺

嗟見世間人求劫在迷律不省這箇意修行徒苦辛

我詩也是詩有人喚作偈詩偈摠一般讀

時須子細緩緩細披尋不得生容易依此

學修行大有可笑事

有偈有千萬卒急述應難若要相知者但

入天台山岩中深處坐說理及談玄共我

不相見對面似千山

世間億萬人面孔不相似借問何因緣致

令遣如此各執一般見互說非兼是但自

修己身不要言他已

男女為婚嫁俗務是常儀自量其事力何

用廣張施取債誇人我論情入骨癡殺他

雞犬命身死墮阿鼻

世上一種人出性常多事終日傍街衢不

離諸酒肆為他作保見替他說道理一朝

有乖張過咎全歸你

我勸出家輩須知教法深專心求出離輒

莫染貪娼大有俗中士知非不愛金故知

君子志任運聽浮沉

寒山自寒山拾得自拾得凡愚豈見知曹
干却相識見時不可見覓時何處覓借問
有何緣向道無為力
從來是拾得不是偶然稱別無親眷屬寒
山是我兄兩人心相似誰能徇俗情若問
年多少黃河幾度清
若解捉老鼠不在五白猫若能悟理性那
由錦綉包真珠入布袋佛性止蓬茅一羣
取相漢用意摠無交
運心常寬廣此則名為布級已惠於人方

可名為施後來人不知焉能會此義未設
一庸僧早擬望富貴
彌猴尚教得人何不憤發前車既落坑後
車須改轍若也
不知此恐君惡令殺比來
是夜又變則成菩薩
君不見三界之中紛擾擾祇為無明不了
絕一念不生心澄然無去無來不生滅
故林又斬新剡源谿上人天姥峽關嶺通
同次海津灣深曲島間森森水雲雲借問
嵩禪客日輪何處曠

自笑老夫筋力敗，偏戀松巖愛獨遊。可嘆
往年至今日，任運還同不繫舟。
一入雙谿不計春，鍊暴黃精幾許斤。鑪竈
石鍋頻煮沸，土甑久蒸氣味珍。誰來幽谷
餐仙食，獨向雲泉更勿人。延齡壽盡招手
石，此棲終不出山門。
躑躅一羣羊，汾山又入谷。看人貪博塞，且
遭豺狼逐。元不出孽生，便將充白腹。從頭
喫至尾，餉餉無餘肉。
銀星釘秤衡，綠絲作秤紐。買人推向前，賣

人推向後，不顧他心怨。唯言我好手，死去
見閻王。背後插掃帚，閉門私造罪。準擬免災殃，被他惡部童抄
得報閻王。縱不入鑊湯，亦須卧鐵床。不許
崔人替，自作自身當。
悠悠塵裏人，常樂塵中趣。我見塵中人心
多生愁，顧何哉。愁此流念彼，塵中苦
無去無來。本湛然不居，內外及中間。一顆
水晶絕瑕翳，光明透滿出人天。
少年學善劍，叱馭到荊州。聞伐甸奴盡，婆

娑無處遊歸來翠岩下
席草枕清流壯士
志朱紱獠猴騎土牛
三界如轉輪浮生若流水
蠢蠢諸品類貪
生不覺死汝看朝垂露
能得幾時子
閑入天台洞訪人人不知
寒山爲伴侶松
下嗽靈芝每談今古事
嗟見世愚癡箇箇
入地獄那得出頭時
古佛路淒淒愚人到却迷
祇緣前業重所
以不能知欲識無爲理
心中不掛絲生生
勤苦學必定覩吾師

各有天真佛號之爲寶
王珠光日夜照玄
妙卒難量盲人常兀兀
那肯怕災殃唯貪
媿供業此輩實堪傷
出家求出離哀念苦衆生
助佛爲揚化令
教選路行何曾解救苦
恣意亂縱橫一時
同受溺俱落大深坑
常飲三毒酒昏昏都
不知將錢作夢事
夢
事成鐵圍以苦欲捨苦
捨苦無出期應須
早覺悟覺悟自歸依
雲山疊疊幾千重
幽谷路深絕人蹤
碧澗

清流多勝境時來鳥語合人心
後來出家子論情入骨癡本來求解脫却
見受驅馳終朝遊俗舍禮念作威儀博錢
沽酒喫翻成客作兒
若論常快活唯有隱居人林花長似錦四
季色常新或向岩間坐旋瞻丹桂輪雖然
身暢逸却念世間人
我見出家人摠愛喫酒肉此合上天堂却
沉歸地獄念得兩卷經欺他市鄽俗豈知
鄽俗士大有根性熟

我見頑鈍人燈心挂須彌蟻子齧大樹焉
知氣力微學齧兩莖菜言與祖師齊火急
求懺悔從今輒莫迷

君見月光明照燭四天下圓輝掛太虛瑩
淨能蕭洒人道有虧盈我見無表謝狀似
摩尼珠光明無晝夜

余住無方所磅礴無爲理時陟涅槃山或
玩香林寺尋常祇是閑言不干名利東海
變桑田我心誰管你

左手握驪珠右手執慧劍先破無明賊被

珠自吐酸傷嗟愚癡人貪愛那生獸一墮
三途間始覺前程險

般若酒泠泠飲多人易醒余住天台山九
愚那見形常遊深谷洞終不逐時情無思

亦無慮無辱也無榮

此下與寒山詩大
同小異語意相涉

自從到此天台寺經今早已幾冬春山水

不移人自老見却多少後生人

平生何所憂此世隨緣過日月如逝波光

陰石中火任他天地移我暢巖中坐

嗟見多知漢終日枉用心岐路逞嘍囉欺

謾一切人唯作地獄滓不修來世因忽爾

無常到定知亂紛紛

迢迢山徑峻萬仞險隘老石橋莓苔綠時

見白雲飛瀑布懸如練月影落潭暉更登

華頂上猶待孤鶴期

松月冷颼颼片片雲霞起谷市幾重山縱

目千万里谿潭水澄澄徹底鏡相似可貴

靈臺物七寶莫能比

世有多解人愚癡學閑文不憂當來果唯

知造惡因見佛不解禮觀僧倍生瞋五逆

十惡輩三毒以為鄰死去入地獄未有出
頭辰

人生浮世中箇箇願富貴高堂車馬多一
呼百諾至吞併他田宅準擬承後嗣未逾
七十秋冰銷瓦解去

水浸泥彈丸思量無道理浮漚夢幻身百
年能幾幾不解細思惟將言長不死誅剝
壘千金留將與妻子

雲林最幽棲傍澗枕月谿松拂盤陀石甘
泉涌淒淒靜坐偏佳麗虛巖曠地日斜掛影低

可笑是林泉數里勿人煙雲從巖起瀑布
水潺潺猿啼暢道曲虎嘯滿山間松風清
颯颯鳥語聲閑閑獨步繞石澗孤陟上峯
巒時坐盤陀石偃仰攀蘿沁遙望城隍處
唯聞鬧喧喧

我見世間人箇箇爭意氣一朝忽然死祇
得一片地闊四尺長丈二汝若會出來爭
意氣我與汝立碑記

家有寒山詩勝汝看經卷書放弄風上時
時看一編

六十一
六十二
閑自訪高僧青山與白雲東家一稚子西
舍衆羣羣五峯聳雲漢碧落水澄澄澄師指
令歸去日下一輪燈

拾得詩卷終

天台山國清禪寺三隱集記

豐干禪師唐正觀初居天台國清寺剪髮
齊眉衣布裘人或問佛理止荅隨時二字
常唱道乘虎出入衆僧驚畏無誰語有寒
山子拾得者亦不知其氏族時謂風狂子
獨與師相親寒居止唐興縣西七十里寒
岩以是得名拾因師至赤城道側聞兒啼
聲問之云孤棄于此乃名拾得攜至寺付
庫院後庫僧靈燭令知食堂香燈忽登座
與佛像對盤而餐復於聖僧前呼曰小果

熠告尊宿等易令厨内滌器常日齋畢澄
瀟殘食菜滓以簞盛之寒來即負之而去
寒容貌枯悴布襦零落以犴皮爲冠曳大
木屐時至寺或廊下徐行或厨内執爨或
混麪童牧或時叫噪望空慢罵云咄哉咄
哉三界輪迴僧以杖逼逐即拊掌大笑一
日問師古鏡不磨如何照燭曰冰壺無影
像猿猴探水月曰此是不照燭也更請師
道曰萬德不將來教我道甚麼寒拾俱作
禮師謂寒曰汝與我遊五臺即我同流若

不與我去非我同流曰我不去師曰汝不
是我同流寒問汝去五臺作甚麼曰我去
禮文殊曰汝不是我同流師尋獨入五臺
逢一老翁問莫是文殊否曰豈有二文殊
及作禮忽不見後回天台而化寒因衆僧
炙茄以茄串打僧背一下僧回首寒持串
云是甚麼僧云這風顛漢寒示傍僧曰你
道這箇師僧費却多少鹽醬趙州到天台
行見牛迹寒曰上坐還識牛麼此是五百
羅漢遊山州曰既是羅漢爲甚麼作牛去

寒曰蒼天蒼天州呵呵大笑寒曰笑作甚
麼州曰蒼天蒼天寒曰這小厮兒却有大
人之作瀉山來寺受戒與拾往松門夾道
作虎吼三聲瀉無對寒曰自從靈山一別
迄至于今還相記麼瀉亦無對拾拈拄杖
曰若兄喚這箇作甚麼瀉又無對寒曰休
休不用問他自從別後已三生作國王來
總忘却也拾掃地寺主問姓箇甚麼住何
處拾置篋义手而立主問測寒槌曾曰蒼
天蒼天拾問汝作甚麼寒曰豈不見道東

家人死西家助哀因作舞笑哭而出又於
莊舍牧牛歌詠叫天曰我有一珠埋在陰
中無人別者衆僧說戒拾驅牛至倚門拊
掌微笑曰悠悠哉聚頭作相這箇如何僧
怒呵云下人風狂破我說戒拾笑曰無瞋
即是戒心淨即出家我性與汝合一切法
無差驅牛出乃呼前世僧名牛即應聲而
過復曰前生不持戒人面而畜心汝今招
此咎怨恨於何人佛力雖然大汝辜於佛
恩護伽藍神僧厨下食每每為鳥所耗拾

杖扶之曰汝食不能護安能護伽藍乎神
附夢于合寺僧曰拾得打我詰旦說夢一
一無差視神像果有所損驚異牒申郡縣
郡謂賢士遯迹菩薩應身號拾得賢士初
聞丘胤將救丹丘頭疾醫莫能愈遇禪師
名豐干言自天台來謁使君告之病師曰
身居四大病從幻生若欲除之應湏淨水
索器呪水喫之立愈問丘異之乞言示此
去安危之兆師曰記謁文殊普賢此二菩
薩見之不識識之不見若欲見之不得取

相國清寺執爨滌器寒山拾得是也問丘
到任三日至國清問此寺有豐干禪師否
寒山拾得復是何人僧道翹對曰豐干舊
址在經藏後今聞無人矣寒山拾得尚處
僧厨問丘入師房止見虎迹復問在此作
何行業翹曰唯事負春供僧閑則諷詠入
厨尋訪寒拾見於竈前向火拊掌大笑問
丘致拜二人連聲呵叱執手復大笑曰豐
干饒舌饒舌彌陀不識禮我何為相攜出
松門自此不復入寺問丘歸郡送淨衣香

藥到岩寒高聲喝曰賊賊遂入岩石縫中
且日報汝諸人各各努力石縫忽合後有
僧採薪南峯距寺東南二里遇一梵儀持
錫入岩挑鎖子骨曰取拾得舍利乃知入
滅于此因號岩為拾得間立俾道翹尋訪
遺跡於林間葉上得寒所書辭頌及村墅
人家三百餘首拾亦有詩數十首題石壁
間云按舊序二人呵叱自執手大笑間立
歸郡遣送衣藥與夫挑鎖子骨等語乃知
寒山不執間立手問立未嘗至寒岩拾得

亦出寺門二里許入滅今傳燈所錄誤矣
因筆及此以俟百世君子淳熙十六年歲
次己酉孟春十有九日住山禹允沙門齋南
謹記

錄陸放翁與明老帖

有人兮山陞雲卷兮霞瓔秉芳兮欲寄
路漫兮難征心惆悵兮孤疑蹇獨立兮
忠貞

此寒山子所作楚辭也今亦在集
中妄人竄改附益至不可讀放翁

Large stylized watermark characters, likely '中華書局' (Zhonghua Book Company), centered across the gutter of the book.

Vertical text on the right page, likely bleed-through from the reverse side. The characters are faint and difficult to decipher but appear to be arranged in a single column.

Vertical text on the right page, likely bleed-through from the reverse side. The characters are faint and difficult to decipher but appear to be arranged in a single column.

Faint vertical text on the left page, likely bleed-through from the reverse side. The characters are very light and mostly illegible.

媼上鳥八切下女 齋將西切 幟及急切 嶺嶺切 售當又切 莛莛切 菜
 報上良妹切 參蘇甘切 陬將後切 曹蒙登切 誚才笑切 啣昌夷切 啐倉積切 儼
 力非切 張直賡切 埒甫沒切 鬣力業切 官古亮切 繫陔立切 涸古果切 綴蝶切 諛
 訛上盧檢切下彼 懸遠聲 埏以旃切 嶸上徒結切下五 嶠結切並山高見 嶠
 上徒柳切下五 瞰他昆切 紱分勿切 瀧上芦紅切 紅都紅切 婆舊引 子舊引
 佛經謂西國苦樹子根 箠博慕也 行若相磨
 技俱苦喻衆生之惡也

比丘可立募衆刊行

慈受深和尚擬寒山詩

慈受叟 懷深 述

寒山拾得迺文殊普賢也有詩三百餘首
 流布世間莫不丁寧苦口警悟世人種種
 過失至於幼女艾婦之姿態惡少偷兒之
 性情斗秤欺瞞是非品藻靡不言之其間
 稠疊言之者誠殺生也詩云寄語食肉輩
 食時無逗留今生過去種未來今日修祗
 取今日美不慮來生憂老鼠入鉢瓮雖飽
 難出頭又云人喫死猪肉猪喫死人腸猪

不道人臭人反道猪香猪死拋水裏人死
掘地藏彼此莫相食蓮花生沸湯嗚呼聖
人出現混迹塵中身為貧士歌笑清狂小
偈長詩書石題壁欲其易曉而深誠也經
云若不去殺斷一切慈悲種慈悲者仁也
余因老病結茅洞庭終日無事或水邊林
下坐石攀條歌寒山詩哦拾得偈適與意
會遂擬其體成一百四十八首雖言語拙
惡乏於文彩庶廣先聖慈悲之意建炎四
年二月望日序

我愛寒山子身貧心自如吟詩無韻度燒
火有工夫弊垢衣慵洗鬢髻髮懶梳相逢
但長嘯肉眼豈知渠

拾得詩清苦風騷道自存看雲歌恠石步
月出松門識取心中佛休磨鏡上痕時時
多漏泄塵世少知恩
寒山三百篇言淡而有味論心無隱情警
世多逆耳下士聞之嗔上士讀之喜翻笑
老間丘對面如千里
吾詩少風騷急欲治人病譬如萬靈丸服

者無不應良藥多苦口忠言須逆聽勸君
勉強服生死殊不定

佛以真實口說法無虛謬人天常誦持龍
神知護祐施食放生命決定報長壽過酒
與僧尼後世必無手

在家聞見熟意謂合食肉一蟻不忍殺何
况烹六畜願君青眼開試將黃卷讀要聞
知見香熏汝腥羶腹

世上多殺生遂有刀兵劫負命殺汝身欠
財焚汝宅離散汝妻子曾破他巢穴影響

各相似洗耳聽佛說

偶然家計富享用便過度猪獸思食羊魚
獸思食兔朝昏但醉飽錐刀圖積聚不改

鷄在突拙莊此理早須悟

何曾食萬錢顏子飲一瓢賢者心念道愚
人志在庖賢愚趣不同何啻雲泥迥參養

恐非福可信如昭昭

世間一等人諂事諸神鬼殺命欲邀福皇
天無此理種棘不生禾身曲影難直孔子
有箴誠可信如金石

人生平為福有餘返為害莊周燭理明可
作貪者戒富漢喜食肉貧家多喫菜喫菜
比食肉且無身後債

漁者不能獵獵者不能漁如經云為利

生肉重喘為殺貴人錢為網水陸皆可圖

畜生肉嘗遍諸佛心轉疎黃泉途路滑失

脚恐難扶

富人聚族多魚肉論秤買腥羶眾口分罪

業一身載既失慈悲心恣情為殺害忽然

死到來去還畜生債

祝壽作生日親朋互相慶未燒一爐香且

殺百箇命奴僕各醉飽歌舞亂觀聽如此

望長年為汝慚諸聖

日食半斤肉十年一百秤且限六十年不

知幾箇命肉塊高如山業坑深似井前路

黑漫漫勸君宜猛省

有酒方開顏無肉不舉筋顛倒自我賊擬

將血肉補棄却囊中金反收路傍土不見

富貴家未死神先去

人生稍富足著意營口腹買魚尋鱖魚買

肉要羊肉諦觀異類身無非親眷屬正當
舉筋時仁人宜自燭

忽聞賊殺人吞聲眉已皺不知五中羹甘
肥自何有汝身既怕死物命亦愛壽彼此
莫相殺且要無身後

忍人喜啖膾砧几膏血灑想見魚痛時正
似人遭舁咀嚼稱珍奇惻隱略無也影響
恐非遙不在九泉下

肉食未必珍蔬食未必惡若知妄想根始
笑舌頭錯此身喻行廁臭穢相勾絡打破

飯袋子光明常燦燦

猪狗啖人糞人啖猪狗肉臭穢都未知熏

蒸境界熟身口既不淨諸天多努目自新

宜早為况是光陰速

買肉須要肥買魚須要活買酒須要美買

田須要闊買婢須要峭買奴須要黠若教

買香燒一毛不肯拔

美食意生貪饕食心起怒喃喃嗜飽蒲殊

不知來處人生一飯間貪嗔癡悉具智者

善思惟莫為鋪啜悞

人生貴無求樂善而知足安步以當車晚
食以當肉藜羹傲鼎食草茵欺綉褥須知
高明家鬼神瞰其屋
有箇聰明漢家中五慾全喫得肉已飽來
尋僧說禪心口自違背佛祖望齊有不知
有底急平白要瞞天
冷笑富家翁營生忙似鑽困裏米生虫庫
中錢爛貫白日把秤稱夜間點燈筭形骸
如傀儡莫教麻線斷
一翁生七兒各房納一婦親賓常有歡鵝

鴨殺無數不覺子孫生婚嫁未曾住閉門
造姪殺也好思量取
福輕似鴻毛禍重如厚地避禍而修福百
中無一二黃雀死彈丸錦鱗喪香餌箴誠
甚分明願君宜早計
大富長者家具足諸煩惱福多作業多福
少作業少爭如貧道人一裘一紙襖也不
怕死生也不憂賊盜
我口常喫菜你腹常飽肉看你肥如瓠笑
我瘦如竹我瘦且無冤汝肥恐非福斯言

雖逆耳請君徐徐讀

好生惡死心人畜無差別刀砧纔見前愁

苦不容說鶉詩頗哀鳴蔡元長太師喜食

之於籠日取烹之殺意遂賦詩一飛至座前

乃作人語具道識殺意遂賦詩一飛至座前

命云飭君數粒粟君慎勿食禍福相反覆

蔡公遂撒鷄羹牛拜彌慘切在梁孝元帝

有味不悟詩中意牛拜彌慘切在梁孝元帝

有寄寺而望蔡縣令經劉敬躬亂縣麻舍被

殺屏除豫設鋪陳座於堂上接賓客未

刃上有少蜜小兒爭欲舐花底藏毒蛇老

翁不覺地割舌與傷身皆從貪愛起世上

聰明人徃徃皆如是

有人好臧否信口亂比况張三小有才李

四大無當終日品藻人不知是虛誑自已

一靈物拋在糞堆上

人生萍託水流轉諸愛河鼓激無明風出

入生死波一念若知歇諸魔必倒戈急須

登覺岸勸子莫蹉跎肥魚死砧机過在貪香餌蚌蛤不吞鉤亦

卷之三

六

遭人所嗜有身則有苦無身則無累跳出
業波瀾始到安樂地
人生貪愛重所欲未嘗周一飯飽足矣萬
鍾心未休黑業埋頭做紅裙判命求鬢毛
已侵雪猶自不知羞
一朝失一朝一瞬老一瞬去生漸漸遠去
死漸漸近願君倒指數光陰有幾寸驀被
死魔牽前頭多悶悶
黃犬被人殺哀號告訴人汝不辨犬語犬
必怨汝身惡根今日種苦果異時新酬償

恐未已早以戒香熏
黃犬見人喜未喚先掉尾長年護汝家深
夜不敢睡無罪忽見烹烹此理恐未是細推
犬有功却歎人無義
因果耳不聞說話多差錯畜生若不殺去
上無處着此語乃魔語誘人入鼎鑊不知
羊與人互換相酬酢
今生你殺羊後去羊殺你兩角還兩角一
尾償一尾假使百千劫影響無差理見你
氣崢嶸無人敢啓齒

君看砧上魚忍痛不能語身雖遭斬斫心
猶念男女人既有妻兒魚豈無子母若懷
這箇心如何可下筋
貴人惜性命奉養欲長生空心鹿茸酒補
氣腰子羹湯藥不離口卑濕豈敢行饒君
善將理難與死魔爭
人生貴無業不貴多技能技能人看好業
能災汝形文章妙天下氣宇吞滄溟此身
若一失六趣且飄零
猪羊養一群鷄鶩不知數準擬賓客來旋

殺供盤筋烹羊猪已驚割鷄鶩已懼從頭
喫至尾不知何以故
嗟乎崔道紀酒狂啖龍子天網信不漏響
應若彈指既失黑頭相便作黃泉鬼吟君
學仲尼曾無子產志唐前進士崔道紀為
第後遊江淮間遇酒醉甚異之以告道紀
承有魚隨桶而上僕者異之既食良久
乃喜曰魚羹能醒酒可速烹之庭中連序道
有黃衣使者自天而下立於庭中連序道
紀道紀使人執提宣勅罷曰崔道紀下士
小民敢殺龍子官合至宰相壽合至七十
並除言誌昇天而去吳錄道紀
暴卒時年三十五出異錄道紀
貧民餓欲倒富漢米不糶米爛化為虫猶

嫌價利小價利更若高溝壑皆錢碎人生
萌此心鬼神暗裏笑
丑人無智慧區區營口體啜茶伯損脾食
疎恐耗氣二毛今半百千金買一醉筭來
點是癡嗟君開眼睡
老翁急營生貪饕餮不可化一截已入土百
事放不下經卷無暇看數珠未曾把死去
見閻王必定遭唾罵
貧賤關前業休嗟命未亨田園不種樹花
果何由生升沉兩條路看你如何行願君

牢着脚前面有深坑
人生如春花能得幾時好朝吹與暮洗朱
顏變枯槁花落有時生人老不復少萬事
只今休莫惹閑煩惱
富漢欺貧漢南隣瞞北隣斗秤有兩樣言
語無一真大秤買他物小斗糶與人眼下
得便宜暗中多鬼神
人生重道德不重多金銀金銀潤汝屋道
德光汝身金銀生盜賊道德息貪嗔尋思
富漢子不如貧道人

律啖衆生肉癡心要作過白髮五六十紅
裙七八箇歌舞中笑談錦繡中坐臥苦海
前頭深莫教船子破

天高聽甚卑神幽察甚厚陰神幽也即埋蚕

變尸燒蟻蟻成漏呵吹一氣間冷暖各成

就惡從汝心生還從汝心受蜀郡大慈寺

齋戒性甚漏躁庭前植竹多蟻緣欄檻準

怒伐去竹盡取蟻子棄灰火中準後患齋

終此病於頭面不勝其痛苦庚寅歲洛師大

飢穀價騰貴民有菜色至桑月餘株與妻

謀甚貴有村民王公直有計者莫若棄

蚕乘貴賣葉可知獲錢百千而蓄一者月之糧

則接麥矣妻曰善即携鐵掘地卷蚕數箔
理焉明日凌晨荷葉鬻得錢數千買肉餅
餌以歸至微安門吏見囊中滴血既搜
之得人左臂若新斬者遂送所司考之
其款云某埋蚕賣葉買肉以歸實不殺
監令就發其坑果得一死人以闕其左
尹曰王公直設罪無殺人之辜且其左
帛為本敢加剽絕與殺同當實嚴刑遂
命於市殺之王公直既死再驗埋蚕皆為
膏虫出三水水續記

池中養却魚岸上養却鴨瘦者餵教肥肥

者便要殺不思身債重只要口甘滑臘月

三十日看你成初怛

世上聰明人必欲聞其過不知是業牽却

云合恁麼因果鏡中容容豈非是我陰報
最分明不論官職大口如無底谷舖啖何時足力未能長蔬心
且戒四肉四肉者自殺見殺或腥羶至親舊之家專為我殺
念有間慈悲種漸熟人生彈指間少恣無
明腹
世人黠是癡忘身多為口擠命喫河鯪忍
臭餐石首年年江浙間藥殺十八九自云
直一死佛亦不可救
自能持不殺隨處多放生如人犯刑憲墮

落枷鑊坑忽然身得脫驚喜且悲鳴含生
皆怕死何欲苦相烹
前世殺害多今報夭折苦方矜面如花已
見身歸土哭倒白頭親怨殺朱唇婦因果
鏡中形毫髮無差悞
人間官法中畜生殺無罪朝烹與暮割恬
然不知悔世法雖不理冤債何時已不見
遂安公五犬逼而死唐交州遂安公李壽好獵殺鄰家犬餵鷹
公因疾見五犬索命公曰殺你者奴之過
也非我罪也犬曰奴豈得自由是休使之
我等既不盜你之食自於門首過在殺我
終不你也公謝罪請為追福四犬許之一

白犬曰既無罪殺我我氣未絕生割我肉
齋齋苦痛吾思此毒何可放也有頃少甦
遂患痛風支體不遂雖為犬
追福公竟疾不差出冥報記
前世食肉多今報疾病苦針艾遍支體呻
吟徹朝暮良醫雖有術夙業豈能去願君
祈懺摩剗心聽佛語
守口要如銚語言當自保多知多是非少
出少煩惱東平樂為善東平王蒼顯宗弟
何事最樂蒼云為司馬只稱好後漢司馬
善最樂帝數之
人之短與人語無問好惡皆言好有人問
安否答曰好有德故問何故問人相逢但
子死亦言好微曰卿言亦大好也

寒溫萬事皆默了
浮生類俳優但可付一笑做人復做馬喫
飯今與草富貴變貧窮醜陋却美好不識
主人公去來三惡道
人云我聰明識盡天下理逐日弄精竟長
年鑽故紙自家一箇心殊不知落地及乎
死到來看你無巴鼻
世人怕說死說着死便諱及期死到來老
眼先垂淚慈妻復戀妾見神并見鬼不入
祖師門癡迷直到底

六十休造屋七十莫置衣縱然得受用能
 得幾多時身心要早歇準擬與死期正如
 人遠出預辦者便宜
 野鹿貪嗜草忽中獵師箭老鼠翻飯盆已
 落狸奴便禍從貪上起苦自愛中現貪愛
 若不生災害自然遠
 道力與福力平時似亂真福力有盛衰道
 力無富貧人生不學道只種輪迴因君看
 天福盡滿眼生埃塵
 不貪以為寶日用無欠少一裘聊禦寒百

味無過飽堪嗟塵世入經營長擾擾衣底
 摩尼珠光明都昧了
 善惡生汝心汝心宜早戢鴉烹語告人狗
 死竟猶泣警誠甚分明愚耳終不入苦果
 一朝熟恐君悔不及
 唯以飲啖為事尤嗜鴉鴉形貌秀整受伶特
 納日以加烹殺只有一子以待鴉鴉之何如更延
 甚嘗一日為鴉鴉皆遺以告澤澤親問之延
 曰我四月命為鴉鴉皆遺以告澤澤親問之延
 我數月之前語澤澤曰只此一物操置中舉家
 驚亦遂烹之其子與鴉鴉俱爛矣出勸善錄家
 也遂烹之其子與鴉鴉俱爛矣出勸善錄家
 驚柱就出之則與鴉鴉俱爛矣出勸善錄家
 唐真觀間盤至郭縣界有果數者每有客
 來必置六以設饌衛士家有十米前後買

盡其最後一犬煮未熟果殺對客坐遂聞
婦人哭聲意疑其妻向家看之不見哭至
即前再見妻不哭如數四後再向家
內其客大驚坐不安席仍聞哭聲云男女
生十箇盡被果殺矣盡皇天厚地豈不憫
我客聞之數遍了安分果法苑珠林
苦痛累月而終長安共傳出法苑珠林
老翁死却兒晝夜抱骨哭痛心徹骨髓叫
云我孤獨何不返思量恣啖猪羊肉羊豈
不思兒猪亦有眷屬
惡人罵善人善人摠不對善人若還罵彼
此無智慧不對心清涼罵者口熱沸正如
人唾天還從己身墜

莫憂家未富家富鬼神惡莫憂官未穹官
穹朝市妬多求災禍根知足安樂處君看
權勢家晝夜如騎虎
一日日知衰一年年覺老唯有貪愛心頑
然如壯少臨行念子孫垂死顧財寶在間
此等人可哀不可吊
衆生方寸間貪量如海闊保持一箇身擬
你千年活金玉已滿堂更欲相攘奪至死
少一官令人冷笑發
小人如君子百計求全毀自己醜惡聲不

知滿人耳譬如蠅螋蟲蝼臭為香美却笑
鸞與鳳不與已為類

人身如假借其勢豈能久如假借物豈能

畝鏡中兒時面轉眄成老醜安得閑日月

與人聞棊酒不能求放心處處隨物走

人身有一疾呻吟徹眠夢買藥與呼醫告

佛仍設供諸佛雖不語慙汝顛倒重殺羊

食其心何不念他痛法進禪師開皇中蜀

痛命醫方士符咒無効乃請進州以患心
住山今八十歲與木石等願報大王不
出也王再三請進堅木石等願報大王不
既見進王不竟身顛汗下遂回心曰妃病

心痛日夕呻吟誠不忍聞願師慈悲救

此苦進曰大王每曰殺羊食心豈不偏愛

一王截悔謝進曰請王先行進隨入如

世人無慈悲恣情為殺害喫肉如大蟲唯

誇牙齒快不念眾生苦暢我箇皮袋皮袋

暫時肥須臾却敗壞

世事多不平平者唯有死死若更不平貧

漢何時已朱樓高插雲金帶光照地無常

一日來閻王誰管你
若以諍止諍其諍轉不已唯忍能止諍是

法中尊貴不見老瞿曇妙相三十二魔軍
刀劍來只以無心對

富甚足憂煩貧甚多飢餓要於貧富間知
足隨緣過人生不知足貪財是貪禍黑暗
功德天尋常一處坐

嗔火焚和氣令人相貌惡脩羅纒現前菩
薩都走却養就三毒軀恣為五慾樂智者
善思惟早服慈悲藥

心王不自明便被六賊擾見色已昏迷聞
香即顛倒功德與法財盡底遭劫了只因

無慧力貧窮三惡道

世人皮底點肚裏沒頭癡只取眼前樂不
憂身後非眼前樂不以身後苦多時願君
早為計後悔恐難追

求名趨於朝求利入於市古今朝市間相
爭如鼎沸不如歸山林指磨自心地心地
若分明名利如唾涕

人身苟無業生死何足疑生也不須戀死
亦不須悲一身真逆旋萬事皆兒嬉請來
綠巖畔與君歌紫芝

因果如影響毫髮無差錯
逐羊奔寺比丘遠指示之乃殺以炙啖比丘
錄食只炙遍於皮下有熊夫入山值大雪極寒
至雪霽樵夫下山見獵人乃指示其熊窟
獸舉手指之即時臂落出經律異相論
 獸面心有仁人面心有惡
 天地終不容立
 見身消爍

靜看營巢燕銜泥日千轉
 一棲貧家梁一宿王者殿
 寄托暫時間何暇分貴賤
 人生達此理沒齒無欣怨
 貴人何所憂所憂唯是老
 既老何所憂憂

見無常到逢人問方術
 閉門弄丹竈此心若不歇
 至死亦顛倒可畏是輪迴
 念念無停住纔見出頭來
 又見翻然去換面與吹頭為男
 或作女不識主人翁來去多辛苦
 蚤忙貪作蜚蜂忙貪作蜜
 蜚成自己寒蜜就別人食
 世上憂家翁辛苦無暫息也似
 二虫癡於身無所得
 三四小孩兒爭拈百草嬉
 懷中有梨栗衣上汗塵泥也似
 年高者貪迷聲色時空間

無老少總是一般癡
貪嗔汝鑊湯愚癡汝地獄劍樹及刀山汝
心皆具足要以智慧水洗此無明毒九聖
路無多正如手翻覆
譬如臨明鏡面目各相對好者默自欣醜
者默自媿唯鏡兩無情光明常一體若人
心似鏡成佛在彈指
厚葬非孝心死者必遭辱君看離亂時何
墓不伐斲黃金衆賊分白日孤鬼哭最愛
老莊周天地為棺木

屋可蔽風雨何苦闔華麗堯舜乃聖君光
宅天下被茅茨未嘗剪土墼亦不砌不知
爾何人鱗鱗居大第

出家要省緣省緣易入道如何無事人樓
攬閑煩惱奔走富貴門莊嚴房舍好不知
被物使區區真到老
傷嗟富貴家殺害無虛日食羊割妳膀京師
之羊旁殺羊方取乳也斤烙驚呼卒律慈以
貴人多食之為近乳也斤烙驚呼卒律慈以
火筋活刺驚身內在筋上呼為驚卒律其
人因病有小驚無數自閉中出累年方來
物有千般痛汝無一念恤福力忽然終黃

連猶是蜜

浮生七十歲二萬五千日睡眠與疾病光陰強半失火急便回頭寸陰誠可惜嗟呀世上人班白猶放逸

世上貪饕漢因財日夜煎天公借與汝看守七十年譬如良田穀春種秋方圓不見

張車子生來便有錢昔人貧日告上天以

之令借張車子錢十萬貫與之待十年却

選後至十年其人欲移居以避天帝還盛

姓張妻在車下生子小字曰車子車僕夫

其人生計日盛遂窮

有福莫享盡福盡身貧窮有勢莫使盡勢盡冤相逢福兮常自惜勢兮常自恭人生驕與侈有始多無終

自料七十歲可期不可期況今五六十形骸日漸衰正如春暮後青多紅少時去住

呼吸間佛言真不欺我者被人罵伴聾不分說譬如火燒空不

救自然滅嗔火亦如是有物遭他焚我心等虛空聽你翻唇舌

四大是假合何況四大外假者是色身外

者是財賄可伶世上人說與終不會相爭
一文錢費却多少氣

人生被愛使奔走如奴僕愛官被官牽愛
財被財畜晝夜不曾閑身心無暫足佛云
恩愛奴斯言真可錄

世人多放逸極力事侈靡樂極悲哀來福
盡貧窮至天福尚有盡世福豈無已人多
議論乖享得是我底

世人貪積財受盡種種苦求時多辛勤守
時足憂怖散時哭不休死時戀不去輪迴

六趣中只因為物悞濕槃經云衆生於昧
色四種怖四種者王

賊水
火也

有恩念念報報則合天道有冤念念解解
則無煩惱一身類浮雲百年同過鳥若以
冤報冤萬劫無由了

名湯并利火古今燒殺人只貪炙手熱應
笑甕生塵虎口都忘嶮龍鱗不怕嗔利名
心未足衰老已及身

可怜一等人不善又不惡一邊說參禪一
邊取娛樂貴得生死間都不受寂寞此云

癡種子要覓揚州鶴

人如食藥蟲通身總是苦喫苦尚不休抵
死鑽頭做古人知此味念念求退步樂道
山林間榮枯誰管汝

有求皆是苦衆生須要求因名忘性命為
利起戈矛不足無時足知休直下休死生
呼吸至無人替汝愁

世上聰明公癡心自蔽蒙步步常行有口
口只說空既空無嗜慾既空無窮通因何
臨財色身心如轉蓬

衆生點是癡積惡望無過譬如顛倒人尋

覓無熱火火則決定熱惡則必招禍勸君

慎所積傳云善不積無以成有花終結果

一念染心生撞入胞胎去父精與母血妄

認為住處種子既不淨臭氣相薰汚業風

吹出來萬苦從頭做

出家要清閑却被人使喚門徒數百家追

陪日忙亂施利得十千人情費七貫彼此

沒便宜他年難打筭

更有一般僧因果殊不顧心裏似屠沽口

中呵佛祖心口不相應佛祖豈容侮拔子
與趙州肯踏名利路

池中一土墩欲略鱸魚千里魚日遠墜轉入
觀咫尺間魚謂千里遠正如躁進人分寸

變眉面要在張三前還落李四後
勸君莫嗜酒嗜酒多過咎不唯損汝福亦

乃天汝壽獨飲醉一夫共飯飽十口諺云
飽憤呵人生福幾何飢貧恐在後

世間一等漢做盡百家冤錐刀爭利祿尺
寸竟田園世上若無死塵中應更喧勸君

衣帶上分明書此言

僧家乃野人何苦事迎迓佛法變人情真

實成虛假不見老趙州禪床猶懶下但願

大王知誰管都衙罵

區區求富貴求得一何用前遮并後擁假

合成戲弄正如夢南柯妄認位貌重忽然

睡眠醒始笑乾陪奉

勸汝諦觀身此身真可惡上下九箇孔臭

穢常沈注內外四條蛇輕躁不停住智者

善思惟莫被皮囊誤

女色多瞞人人惑總不見龍麝暗薰衣脂
粉厚塗面人呼爲牡丹佛說是花箭射人
入骨髓死而不知怨
人生如下碁機巧未嘗已切切只圖生忙
忙惟怕死路頭既錯了心眼亦虛棄不薦
這一着對面若千里
白日鬧喧喧夜間靜悄悄夜間與白日且
道誰欠少飢時覓飯噎困便尋床倒不省
這箇意區區直到老
往事莫追尋未來莫希望見在休執着自

然心坦蕩有心終不堪無念以爲上君看
太虛空何嘗有遮障

莫嫌門戶小轉富轉心勞夜怕奸偷至時
防風火燒名高招謗重財積致讒饒外物
多爲累令人思許巢

麝爲香而死龜以靈故焦既爲世所用憂
患無門逃名高謗之本財聚禍之苗三怨
粗能免世無孫叔敖

日暮片雲愁邊廷戰未休萬人齊拚命一
將獨封侯孫武子兵法田將軍火牛筭來

成底事認是百冤頭

合嗔不須嗔合喜不須喜喜時風自吹嗔

時火自熾風火非外來皆從自心起不見

四禪天三災都不至

不栽一株來不種一粒粟口體每輕肥倉

庫常滿足蓬門漏不蔽你居大華屋常懷

知愧心少恣無明恣

一鼠變蝙蝠群鼠相慶賀飛鳴覺身輕自

喜脫猫禍日中不見物夜裏長忍餓不如

做鼠時窟裏飽眠卧

貧窮難作福富貴易造罪有力無道心有

心無財賄有福有道心百中無一二不見

老瞿曇福慧二嚴美

佛為大醫王留經治眾病眾生雖讀經展

轉不相應病是貪嗔癡掃除愛淨盡貪嗔

癡不除無緣了真性

貪夫如撲滿俗呼為不慮滿時禍未盈猶

可存已滿終歸破君看石齊奴不義畜財

貨喫劍為綠珠至死不知過

奸漢賄淳漢淳漢總不知奸漢作驢子却

被淳漢騎當時誇好手今日落便宜圖他
些子利披却畜生皮
君看轉輪王七寶光中坐一朝福力盡頭
上花冠破正如箭射空勢盡還退墮升沉
無數劫只因迷者箇
不必揚人惡切忌伐已善行人口似碑好
醜悉皆見祿厚恐禍生言深慮交淺不如
省事休彼此無欣怨
君看草頭露日出還消去也似世間人箇
浮暫時住愚人尚不知紛爭求貴富只應

明眼人未能笑得汝
人生不滿百常懷千歲憂猶嫌金玉少更
爲子孫求白日曉還黑綠楊春復秋無過
富與貴不柰水東流
入寺設僧齋先且問客食一味不可口滿
座皆啾唧回顧僑隙如鉢盂未嘗濕恁麼
說齋僧有名而無實
辛苦置田園歲收五千斛死了付兒孫兒
孫享其福忌辰飾十僧紙錢燒一束人生
爲子孫所得何纈粟

一年五千斛十年計五萬不知十年間所
作何事辦暴殄天物多也好自思筭福若
不消磨除君是鐵漢
人人要便宜箇箇覓小利所爭能幾何失
却大人體饒人福自來瞞人禍自至此理
甚分明尚猶不警地
傳大士種瓜瓜熟人偷竊以籃投園中與
偷便提挈偷兒感此情再拜心服悅無爭
與莫爭盡向慈門攝
慈受和尚誠殺得十首

利刀活斫當腰斷前脚猶能跳脚行看著
衆生如是苦異時果報不多爭
蝦蟇蚶蚌形模醜啞笑爭蛆臭穢多浼却
娘生清淨口只應笑倒老維摩
蠅子師螺街市食小人咀嚼遠臺盤近來
豪貴尊榮者嗜好成風惣一般
吳人信向更無加可惜時中善願差手搯
數珠忙念佛一邊叫喚買魚鰕
聞說刀兵已皺眉貪生畏死是人知如何
不恤他身苦斫斫烹炮無厭時

卷之三

大施主金勿金兩主
施主斷俗寺住持戒澄

禪袖雄暹

智海 德云

戒道 淳玉

惠暹 信灯

信暉

什連

校證山衲智熙

韓善山人定菴

梅軒



余昔庚午秋自關東行。謁至金剛山
之正陽菴。得斯集於隱溪。禪翁如對
聖賢。欽詠不斂。足見三聖人風彩。正
如清風明月之共一天。雖片言半句
照人耳目。銷鄙悵。鑠昏蒙。頓獲清涼
於熱惱之中。可謂救世醫王。寂上靈
丹也。慈受叟。廣歌於其後。推行三聖
人愍物之心。而諄諄之慈。益深且切。
使頌儒之傳。感發良心。所謂將此深

心奉塵刹。是則名為報佛恩。余既得之。不可私秘。亦因隱溪禪宿之獎。命工鑿梓。以壽其傳。所冀誦上善人。偕嘗法藥。辨惑疼痲。革凡成聖。上致一人於堯舜之上。下招三有於安養之中。至盡未來。法輪常轉者矣。時甲戌秋七月。有吉。誰月軒人玉峰謹跋。



寒山拾得詩一卷。載諸讀書敏求記。此後宋刻摹寫。余向收一精鈔。今似與尊王所藏本類。當六宋刻摹寫者也。惜首尾略有殘闕耳。後五柳主人自都中寄一本。示余楮墨古雅。甚為可愛。細視之。乃係外洋版刻。惜通體覆背俱用字紙。殊不耐觀。頃命工重裝。知有失去半葉者。共四處。以洋帑補之。復取向所收者。核其文理。始信二本互異。詩之序次。有先後。分七言于五言之外。洋版所獨。此拾得詩。雲林最幽棲一首。

內日斜掛影低句精抄今日字下俱缺此外
皆不可考矣故茲所失四半葉無從補全而
二本版心彼題寒山子詩此題三隱後又云
深詩本不相類也惜遵王所記但云傳世絕
少豈知宋刻摹寫之外尚有他刻流傳于
世耶此刻似係洋版然寒山詩後有一條云
杭州錢塘門裏車橋南大街郭宅口鋪印行
則又不知此刻之果為何地本矣俟與藏書
家論之

嘉慶丁卯春三月二十有五日復翁黃丕烈識



此二葉山子不知此
為好也一氣在集

中
安人寬氣改附

三三正石可
原故為

書字
天封明以

或以刻
山中



